





乾隆甲午年鐫

同邑樓西濱輯錄

# 鐵屋逸編註

聯桂堂藏板

序

珠玉至寶也。雖少愈可珍也。并粟玉寶也。雖多亦愈可珍也。又況以有用之并粟為無價之珠玉。豈其曰我有是。而足也。收以錦囊。我自幸之。稱以碎玉。人亦幸之。如使以去吉之錦囊貯安石之碎玉。至於積金滿贏。括囊而不出。與弃置何物。非所以幸之也。以余披尋。鐵屋先生詩古樂府。言言笑復。偏永史。自為一類。外此。不與焉。



乾隆甲午年鐫

同邑樓西濱輯錄

# 鐵屋逸編註

聯桂堂藏板

序

珠玉至寶也。強以愈可珍也。并粟玉寶也。強以愈可珍也。又況以有用之并粟為無價之珠玉。豈其曰我有是。亦是也。收以錦囊。我自幸之。稱以碎玉。人亦幸之。如使以去吉之錦囊。貯安石之碎玉。至於積至滿贏。括囊而不出。與弃置何異。非所以幸之也。以余披尋。枵腹先生詩古樂府。言言笑復。編永史。自為一類。外此。不與焉。



其序亦衆性成集字筆注之以付剞劂稱  
以少亦疎以多句字之重與人共書之也  
自古著作之多無如樊紹述其詩乃至七  
百一十有九竊疑元和之後學混於樊韓  
昌黎稱其詞必已出不襲蹈前人一言一  
句歐陽公詩又稱其書荒採出入有無一  
語詰詰百無行不知何以能得之多也此  
也乃功已多也此矣余為求其遺文不  
可得僅得絳守居園池記及綿州越王樓

詩序二作已可讀其文殊為奇怪而韓昌  
黎偏以為文從字順歐陽公又以為學無  
庸也豈遂後世無子雲也言莫為之後雅  
蓋不傳行哉先生之詩據句序則有瓊臺  
出洞庭雜嗜口十卷據宋潛溪墓誌則又  
有平鳴雲間社上社集通如十卷余所散  
見於各選家者有復古集有鐵笛詩有鐵  
龍詩有鐵屋集有東維子集有單元閣後  
集如是其多而傳在無多則不傳在少



矣余心所見少於所傳所傳又少於所見  
傳在日少即見在六日少矣余則何事余  
又何忍或曰是集也臣殆刻水沙之矣乎  
余曰刻水沙江破沙之碣石南山水之趣  
惟慧心人自以之  
乾隆甲午十月朔後三日

同邑後學樓上澹古

鐵厓逸編註卷之一

目錄

殘形操

漢水操

介山操

前旌操

虞虜操

桑中操

崩城操

楚妃曲

烏夜啼

烏重光

君馬黃

擬戰城南

餓不從虎食行

隴頭水

折楊柳

妾薄命



陽臺婦

蔡琰胡笳詞

羅敷詞

焦仲婦

秦女休行

木蘭詞

懊儂詞

華山畿

捉箭詞

童男娶寡婦

鐵厓逸編註卷之一

諸暨楊維禎庶夫著

同邑後學樓卜瀍西濱註

周公瑗林木

金廷楷聖端訂

殘形操 并引

退之作殘形操末語曰巫咸上天識者其誰余以其詞尚欠歸宿不如拘幽將歸二操語可咏也遂為補之

我夢有獸兮其獸曰狸狸有怪兮身首異而告我以凶兮戒而戒而我邱有首兮誓死完以歸



琴錄殘形操曾子夢見一狸不見其首作樂府原題殘  
形操十二操之一也韓退之詞有獸維狸兮我夢得之  
其身孔明天兮識者其誰禮記狐死正邱首

### 漢水操

王子年拾遺記周昭王溺於漢水二女延娟延娛  
夾擁王身同沒焉故江漢人至上巳日禊集祠間

以為風俗

湘水離離徒以斑我衣漢水漪漪可以禊我衣翩然凌波

夾龍飛隨龍雲雨隨龍歸彼望疑兮疑是非

風俗通按周禮女巫巫掌歲時以祓除疾病禊者潔也  
於水上盥潔之也已者社也邪疾已去祈介社也

### 介山操

琴操有龍蛇歌以為介子辭先生嫌其  
辭有憾為演厥辭庶介山君子之旨也

一龍失所五蛇從之走天下叶四蛇完身一蛇獨虧一作

股龍上天兮蛇各有戶一蛇無戶薄以焦火叶吁嗟乎四

蛇從龍作甘雨一蛇焦枯無恨在下土

史記晉世家介子推不言祿祿亦不及從者憐之乃懸  
書宮門曰龍欲上天五蛇為輔龍已升雲四蛇各入其  
宇一蛇獨怨終不見處所文公出見其書曰此介子推

也使人召之則亡入緜山於隱注龍喻重耳五蛇  
而封之以為介推田號曰介山索隱注龍喻重耳五蛇  
即五臣狝偃趙衰魏武子司空季子及子推也舊云五

臣有先軫顛頡今恐二子非其數琴操介子推也割其腓  
股以啗重耳復國子綏獨無所得甚怨恨乃作龍蛇之  
歌以感之遂遁入山文公驚悟迎之終不肯出公令燔

山求之子綏遂抱木而燒死歲時記介子推三月五日  
為火所焚國人哀之每歲春暮不舉火謂之禁烟陸翽

鄴中記寒食斷火起於子推據左傳史記並無介推被



焚之事周禮司烜仲春以木鐸脩火禁於國中注季春將出火也今寒食准節氣是仲春之末清明是三月之初然則禁火蓋周之舊制

前旌操

衛後母子壽母欲殺前母子伋而立壽使伋乘舟於河將沉而殺之壽知之與伋同舟不得沉又使伋之齊令盜見載旌者殺之壽又竊旌前行盜見殺之伋載壽屍還亦死

爾乘舟兮河水濁且深我同舟兮誓與爾同沉母有命兮諫不我聽示旌以盜兮我先以旌衛有國兮國在兄殺兄及我兮我不如無生

詩二子乘舟汎汎其景註二子謂伋壽也乘舟渡河如齊也按及我謂兄終弟及欲立壽也

戾虜操

風俗通百里奚為秦相堂上樂作所賃澣婦自言知音因援琴而歌問之乃其故妻遂還為夫婦

百里奚東避虞西入秦母已死賴婦賢負土成墳南山邊百里奚作秦相不再娶堂下澣婦歌戾虜春黃黎搯伏雞堂下鼓紘堂上覆樽百年夫婦失復親秦穆君賀相臣夫旌義婦旌仁

風俗通歌詞其一曰百里奚憶別時烹伏雌炊麩房今日富貴忘我為其二曰百里奚初娶我時五羊皮臨當相別時烹牝雞今適富貴忘我為其三曰百里奚百里奚母已死葬南谿墳已瓦覆以柴春黃黎搯伏雞西入



秦五羊皮今日富貴捐我  
為廢房音掩移門枋也

桑中操

此秋胡題也曹魏諸作不關本題晉傳  
元始咏秋婦遇剛先生此詞特解元議

秋夫君娶妻五日即仕陳五年歸來未拜親桑中悅美人

我出堂前認夫君走赴沂水沉我身秋夫君令我嗔婦可

不義親何可不仁

古樂府相和歌有秋胡行亦曰陌上桑亦曰採桑秋胡  
妻投河而死後人哀之而作列女傳潔婦者魯秋胡子  
妻既納之五日而宦於陳五年乃歸未至家見路旁婦  
人採桑秋胡子悅之下車謂曰吾有金願以與夫去婦  
人曰嘻採桑力作以奉二親吾不願金秋胡子遂去至  
家奉金遺母使人呼婦至乃向採桑者也秋胡子慙婦  
曰束髮辭親往仕五年乃還當揚塵疾至今也乃悅路  
旁婦人以金與之是忘母也忘母不孝好色淫佚是汚

行也汚行不義妾不忍見遂去而走投  
河而死西京雜記秋胡妻赴沂水而死

崩城操

崔豹云杞梁妻杞殖妻妹朝日之所作也殖戰死  
妻哭而城頽遂投淄水而死其妹悲之作歌名杞  
梁妻僧貫休始以築長城義作辭其辭亦精悍  
宋吳邁遠輩不能及也先生用是義補崩城操

白骨築長城長城不可穴十日哭長城長城為我裂白骨

斑斑食紅血抱骨著心肚白骨作人語君不見淄之水喝

喝至今下有比目魚

按何燕泉云杞殖字梁春秋齊人距趙及秦築長城時  
不啻百年而列女傳及樂府注所謂城崩乃杞都城非  
長城也秦趙所築去杞不啻數千里唐僧貫休賦杞梁  
妻云秦之無道兮四海枯築長城兮遮北胡築人築土  
一萬里杞梁貞婦啼鳥烏二事打合成調不知何據古  
虞金罍子云貫休賦杞梁妻事正無據而誤亦有因秦



築長城以備胡齊亦築長城以備楚而齊記以為齊宣王築竹書紀年曰齊閔王未知的自何時但既曰備楚則楚之抗衡中國宜莫盛於春秋杞梁妻哭而崩者疑即齊之長城而詩家不考所出併未審梁何時人死於何事便以為秦築長城之役影響附會而失其本真也

楚妃曲

并引

琴論有楚妃嘆七拍楚妃樊姬也余嘗論樊姬之德不妬而善諫不妬者進後宮九人善諫者止王之獵笑虞邱子也古辭未及諫事惟張籍及之故吾辭亦取興於獵云

朝游田雲夢數暮游田雲夢數樊姬諫不售矢不食田中獸妾願王王壽考獵賢才開伯道楚國夔龍孫叔兒非麟

非虎非熊非羆虞邱子真狐狸

歌錄石崇楚妃嘆曰歌詞楚妃嘆莫知其由楚之賢妃能立德著勲垂名於後世惟樊姬焉今歎咏之聲永世不絕列女傳樊姬楚莊王夫人王好獵姬諫不止乃不食禽獸肉王改過勤於政事王嘗聽朝罷晏姬曰何晏也曰與賢者俱不知飢倦也姬曰所謂賢者何曰虞邱子也姬笑曰妾執巾櫛十一年進賢於妾者二人同列者七人虞邱相楚十餘年所薦非子弟則族昆弟未聞進賢退不肖是菽君而塞賢路也王以姬言告虞邱子虞邱子於是使人迎孫叔敖而進之王治楚而伯烏夜啼

琴說烏夜啼何晏女造也晏繫獄有三烏啼舍上

女曰烏有喜聲父必遂免撰此操

父在園區女在父廬女不得代父軀願學緹縈作官奴贖



父死父莫贖泣呱呱烏啼我廬夜鳴鳴報官家有赦書父不辜女反哺如慈烏

漢書齊太倉令淳于公有罪當刑詔獄逮繫長安淳于公無男有五女當行會逮罵其女曰生子不生男緩急非有益也其少女緹縈自傷悲泣乃隨其父至長安上書曰妾父為吏齊中皆稱廉平今坐法當刑妾傷夫死者不可以復生刑者不可以復屬後雖欲改過自新其道無由也妾願沒入為官婢以贖父刑罪使得自新書奏天子悲憐其意遂下令除肉刑

烏重光

六龍一失馭烏不得昱章六鰲一失足烏不得夜行叶天生大人天地皇首戴圓覆足履方天地再闢烏重光烏重光兩照繼三台明叶天下齊見泰階平叶

淮南子曰中有跋烏注云跋趾也謂三足鳥也又爰止義和爰息六螭注云日乘車駕以六龍義和御之列子東海有岱輿負嶠方壺瀛洲蓬萊根無所連隨波上下帝命策疆使巨黿十五舉首戴之又伯龍之國有大人一釣而連六黿天官書注孟康曰泰階三台也應邵曰泰階平則陰陽和風雨時

君馬黃

君馬黃當風嘶路旁關山不憚遠君命重有將大劍帶陸離千里歌載馳路幽川谷陋日晏行者饑下馬知馬勞上馬憂馬遲馬遲竟何罪君命不可違

宋書漢鼓吹鏡歌十八曲有君馬黃樂府解題言君馬黃臣馬蒼二馬同逐臣馬良嘆無罪見逐也公羊傳君親無將將而誅焉顏師古云將謂將有其意也

擬戰城南



昨日戰羊邏堡今日戰牛皮航王者有征而無戰胡為日

日戰血屠鋒芒篁竹之丁婁鴟張上山跳跟出鹿獐將軍

馬無昆號硯安能為之相陸梁昨夜將軍獲生口什什伍

伍童及叟問之半是良家兒賊中驅來帕紅首五花劊子

牛頭神五十八人同斧斤烏鳶飛來百成群不得嚙啄飛

去野水濱乃知當街割啗人須臾白骨堆成新嗚呼君王

子民天地仁忍使天地殺毒傷陽春嗚呼忍使天地殺毒

傷陽春

宋書漢鼓吹鏡歌十八曲中有戰城南南樂府古題要解  
戰城南其詞大畧言戰城南而死郭野死不得葬為烏  
鳥所食願為忠臣朝出攻戰而暮不得歸也元史世祖  
紀帝登香鑪山俯瞰大江江北曰武湖湖之東曰陽邏

堡水經注江之右岸則溝水口口上即錢官也水自牛  
皮山東北通江吳志孫堅傳張溫以詔書召卓堅耳語  
謂溫曰卓不怖罪而鴟張大語晉書慕容容暉載記贊  
危蜩起怙險鴟張玉海九野鯨奮八極鴟張按昆號硯  
疑當作駮蹄研爾雅釋畜駮蹄研善陞駮註駮蹄蹄如  
研而健善上山疏研平謂蹄平正義嶺南之人多處山  
三十三年畧取陸梁地為桂林正義嶺南之人多處山  
陸其性强梁故曰陸梁甘泉賦蚩尤之倫帶干將而秉  
玉戚兮飛蒙茸而走陸梁注飛者蒙茸而亂走者陸梁  
而跳謂猛士之輩西京賦怪獸陸梁大雀跋跋注陸梁  
東西倡佯也韓愈詩以綿纏股以紅帕首注禹會塗山  
之夕大風雷震有甲兵卒千餘人其不被甲者以紅綃  
帕裨其額自此  
遂為軍容之服

饑不從虎食行

西方有白額虎東方有蒼頭狼太室為爾宅孟門為爾場  
饑以人為糗渴以血為漿食盡食萬俵自矜無對當無數



自相啖相雄不能兩強朝食其子暮食其妃况弟與兄  
 黨從皆滅身隨之亡惟有慈烏喜鵲噪其四旁君不見博  
 浪樵淮陰袴兩人未遇時其事足悲咤饑不從虎食倦不  
 息狼舍待時以售如藏待價劉季得之天下王項羽失之  
 國不霸

樂府詩集王僧虔技錄相和歌平調七曲內有猛虎行  
 古詞云飢不從猛虎食暮不從野雀棲野雀安無巢遊  
 子為誰驕蓋取首句二字以命題也宋志西宮白帝其  
 精白虎天官書東有大星曰狼一統志嵩山三十六峯  
 東曰太室西曰少室史記殷紂之國左孟門右太行偃  
 鬼虎所食人也其鬼常先虎行遇機則發之淮南子昔  
 者牛哀病七日化而為虎其兄啟戶而入虎搏而殺之  
 方其為虎也不知其嘗為人也方其為人也不知其將  
 為虎也韓愈猛虎行自矜無對當氣性縱以垂朝怒殺  
 其子暮還食其妃匹儔四散走猛虎還孤棲孤鳴門四

旁烏鵲  
 從噪之

隴頭水

隴頭水交河津人行九回坂西通月氏東達秦貳師將漢  
 家傑手摩龍泉七星滅此身未報主君仇釁妻再鑄千金  
 鉤精誠豈識征夫侯

樂府原題鼓角橫吹十五曲有隴頭吟亦曰隴頭水辛  
 氏三秦記隴右西關其阪九回不知高幾里上者七日  
 乃越上有清水四注流下俗歌曰隴頭流水流離四下  
 念我行役飄然曠野登高遠望涕零雙墮元和郡縣志  
 貞觀四年於漢車師前王地置交河縣取界內交河為  
 名交河源出縣北天山一統志今為西番火州地史記  
 大宛有善馬在貳師城天子拜李廣利為貳師將軍伐  
 宛斯破貳師城取善馬吳均邊城將詩刀含四尺影劍  
 抱七星



折楊柳

折楊柳楊柳不可折楊柳條十丈長與君繫馬紫絲韁關支婦剖黃鼠勸君銀馬乳楊柳風作胡語楊柳枝作胡舞

樂府原題鼓角橫吹十五曲有折楊柳異苑宣大間產黃鼠凡捕之者必畜松尾鼠數隻名夜猴兒能喚黃鼠穴唐書太宗破高昌收馬乳蒲萄實種之苑中造酒成綠色芳香酣烈味兼醞醞按古折楊柳歌詞遙看孟津河楊柳鬱婆娑我是鹵家兒不解漢兒歌末正翻用其意杜甫詩千載琵琶作胡語李商隱咏柳詩應無不舞時唐樂史柘枝譜漢靈好胡舞鼓吹

妾薄命

妾薄命妾薄命當年破衣顏色盛阿婆何壞家筵號天莫雪阿婆冤低眉含羞不敢議風雨幾番寒食天今年復明

年駕鴛繡被長孤眠君不見并州剪刀金粟尺掛在深閨

塵素壁誓不與人縫嫁衣閑看蜻蜒蝶飛

樂府古題要解妾薄命曹植日月既逝西藏蓋恨宴私之歡不久如梁簡文名都多麗質傷良人不返王嬙遠聘盧姬嫁遲荆楚歲時記七夕人家婦女結綵樓穿七孔針陳瓜果於庭中以乞巧古詩客從遠方來遺我一端綺文彩雙鴛鴦裁為合歡被杜甫詩焉得并州快剪刀又越羅蜀錦金粟尺

陽臺婦

即巫山高曲

巫山高十二峰雨為體雲為容為雲為雨日日陽臺中君

王望南雲未從夜夢見之雲朦朧雲妖雨怪寤以說君不

見霸南國歌南風一婦在楚宮一婦稱賢九婦同巫山高

高九峰



樂府原題漢短箫鏡歌二十二曲有巫山高古詞巫山  
 高高以大淮水深難以逝大畧言江淮深無梁以渡臨  
 水遠望思歸而已後之作皆涉陽臺雲雨之說非舊  
 意也宋玉高唐賦序曰昔者先王嘗遊高唐息而晝寢  
 夢見一婦人曰妾巫山之女也為高唐之客聞君游高  
 唐願薦寢席王因幸之去而辭曰妾在巫山之陽高邱  
 之岨旦為朝雲暮為行雨朝朝暮暮陽臺之下旦朝視  
 之如言故為立廟號曰朝雲襄陽者舊傳赤帝女姚姬  
 未行而卒葬於巫山之陽故曰巫山之女寰宇記巫山  
 縣西有陽臺古城即襄王所遊之地亦曰陽雲臺高一  
 百二十丈南枕長江一婦稱  
 賢九婦同見本卷楚妃曲

蔡琰胡笳詞

胡笳悲胡笳悲遭家喪亂胡越各東西漢南破鏡天上飛  
 照鏡重畫關氏眉衣毳如縮食乳如飴日積月漬口語侏  
 儻夜看北斗在南垂胡天草青十二暮死甘胡鬼狼山陂

漢大將軍念中郎氏不嗣贖以千金貨單于貪鄙輕合與  
 離卷蘆吹笳送南歸碧眼狼子褻母衣嗟爾去住猶狐疑  
 一步一遠足跣跣皇天白日不照父母國偏照子母私心  
 懸懸怒如饑我作爾調憤益悲彼狼子胡足慈不見世違  
 獸行兒獸行妻母忍母死句鴛一卮

琴曲譜錄大胡笳十八拍小胡笳十九拍並蔡琰製後  
 漢書列女傳董祀妻同郡蔡邕女名琰字文姬博學有  
 才辨又妙於音律適河東衛仲道夫亡無子天下喪亂  
 文姬為胡騎所獲沒於南匈奴奴在胡中十二年生二子  
 曹操素與邕善痛其無嗣乃遣使以金璧贖之而重  
 嫁於祀古樂府葉砧今何在曲有破鏡飛上天句言月  
 半也按文姬悲憤詩曰感時念父母哀歎無窮已此所  
 謂父母國也又曰已得自解脫當復棄兒云云此所  
 謂子母私也琴操昭君有子曰世違曰汝為漢也為胡也  
 凡為胡者父死妻昭君問世違曰汝為漢也為胡也



世違曰欲為胡耳  
略君乃吞藥自殺

羅敷詞 一曰陌上桑

盈盈秦氏女采桑南陌頭一顧雲不飛再顧水不流使君  
立五馬招徼重回頭艷歌為君發繁絲為君振使君有婦  
如有娶羅敷有夫非秋胡使君喜使君愁羅敷不得須臾

留

古樂府相和歌三十曲有陌上桑亦曰艷歌羅敷行亦  
曰日出東南隅行亦曰日出東南隅照我秦氏樓舊說邯  
鄲女子姓秦名羅敷為邑人千乘王仁妻後為趙王家  
令羅敷出採桑陌上趙王登臺見而悅之置酒欲奪焉  
羅敷善彈箏作陌上桑以自明不從樂府原題古詞陌  
上桑有二此則為羅敷也其詞稱羅敷採桑陌上為使  
君所邀羅敷甚誇其夫為侍中郎以拒之侍中郎漢官

也恐仁初為趙王家令後為漢侍中郎也呼趙王為使  
君者郎君之稱本於漢恐言使君者猶今言使長也別  
有秋胡行其事與此不同以其亦名陌上桑致後人差  
互其說如王筠陌上桑云秋胡使停馬羅敷未滿袖蓋  
合為一事也古詩盈盈樓上女注廣雅曰羸容也盈與  
羸同古字通陌上桑古詞使君從南來五馬立如躑躅  
子真詩話禮天子六馬左右驂三公九卿駟馬右驂漢  
制九卿則中二千石亦右驂太守駟馬而已其有加秩  
中二千石乃右驂故以五馬為太守美稱遜齋閑覽及  
學林新編云漢時朝臣出使以駟馬太守加一馬故為  
五馬古詞使君自有婦羅敷自有夫列女傳湯妃有娶  
者有娶氏女也又太如者武王之母禹后有娶氏之女  
秋胡見本  
卷桑中操

焦仲婦

并引

舊序言仲廬江小吏漢建安時人古辭凡千七百

言予嫌其辭過冗而情不倫復述此辭



劉氏有好女十三能織素十五能箜篌十六通書數十七  
 為焦氏婦得意焦氏夫失意焦氏姑阿母謂阿仲汝去爾  
 婦爾婦自專不受驅東隣有女如羅敷吾與汝娶如水與  
 魚阿仲孝母復愛妾愛妾愛必割母命不可違斯須仲去  
 婦無七辜為吾謝外姆破鏡母再合斷絃當再續平聲婦感  
 仲區區誓天日不再家叶君如磐石妾如葦蒲葦蒲繞石  
 石不為車但苦親父亡父亡有暴兄叶暴若豺與狼迫我  
 再事人不得留母堂脫我舊絲履重作嫁衣裳腰襪綉華  
 袂耳著明月鐙團扇畫雙鸞箜篌彈鳳凰羞若帝門倚使  
 我掩面不得藏昨日縣令媒云有第三郎今日府君媒云

有第五郎金鞍玉勒馬青雀白鵠舫平聲雜彩三百端賚錢  
 三萬鏹平聲仲婦不得卻懼違我暴兄叶寧違暴兄死不違  
 焦仲使意傷矢為焦家一姓婦不為他婦食二家水漿開  
 戶四無人投身赴滄浪焦仲聞之裂肝腸挂身一在枯枝  
 桑兩家合葬廬水傍暴姑悍淚浪浪

古樂府佳麗四十七曲有焦仲卿妻寒宇記廬江小吏  
 焦仲卿妻劉氏為姑所出自誓不嫁其家逼之投水而  
 死仲卿聞之亦自縊古詞十三能織素十四學裁衣十  
 五彈箜篌十六誦詩書十七為君嬾心中常苦悲又此  
 婦無禮節舉動自專由又妾不堪驅使徒留無所施又  
 東家有賢女自名秦羅敷可憐體無比阿母為汝求又  
 女行無偏斜何意致不厚又阿母謂府吏何乃太區區  
 又新婦謂府吏感君區區懷又君當作磐石妾當作蒲  
 葦又我有親父兄性行暴如雷又足下躡絲履頭上玳  
 瑁光腰若流紈素耳著明月璫又何不作衣裳莫令事



不舉又還家十餘日縣令遣媒來云有第三郎窈窕世  
 無雙又說有蘭家女承籍有宦官云有第五郎嬌選未有  
 婚遣丞為媒人主籍通語言直說太守家有此令郎君  
 又躑躅青絲馬流蘇金縷鞍又青雀白鵠舫四角龍子  
 旂又齋錢三百萬皆用青絲穿雜絲三百疋交廣市鮭  
 珍又攬裙脫絲履舉身赴清池又徘徊顧樹下自掛東  
 南枝又兩家求合  
 葬合葬華山傍

秦女休行

秦氏有烈女自名為女休叶左手執白楊刀右手執烏龍

父年十五妻燕王夫燕王陷無辜取仇西山土殺人白晝

衢關吏不敢睜眦司敗莫孰何叶於呼殺人者殺創人者

創女休豈敢避法走藏累嫂與兄使縣吏解章女休自歸

罪丞卿坐列東西床丞卿議罪拘文法故常牽曳東市頭

法刀利如霜刀未下金雞銜赦出法場百男盡短一女長

嗟嗟女休真女郎丈夫堂堂掩面事仇女休眎之如妾婦

女倡

李白秦女休行原註古詞魏朝協律都尉左延年所作

左詩步出上西門遙望秦氏廬秦氏有好女自名為女

休休年十四五為宗行報仇左執白楊刀右據魯宛矛

仇家便東南仆僵秦女休女休平生為燕王婦於今為詔獄

吏呵問女休女休當今無領襦明知殺人當死兄言怏怏

囚平生衣參差當今無領襦明知殺人當死兄言怏怏

弟言無道憂女休堅詞為宗報仇死不疑殺人都市中  
 微我都巷西丞卿羅東向坐女休悽悽曳楛前兩徒夾  
 我持刀刀五尺餘刀未下腫臃擊鼓赦書下隋書齊赦  
 日則武庫令設金雞及鼓於閭闔門外之右勒集囚徒  
 於闕前過鼓千聲釋初鎖焉談苑宋孝王問司馬膺之  
 後魏北齊赦日樹金雞事膺之曰按海中星占云天雞  
 星動為有赦北齊赦日令武庫設金雞於闕門右過鼓  
 千聲宣赦建金雞或云起於西涼呂光究其旨蓋西方



主兌為澤金西方也雞者巽之神巽為號  
令故合二物制其形揭長竿使眾人視之  
木蘭辭 并引

木蘭古辭二首世疑金柝鐵衣句非漢魏語余觀  
二辭前辭為古後辭蓋擬者之辭也吾為此辭又  
將發蘭所未發也

金龍龍鼓鏜鏜行人且勿行木蘭換衣裹戎裝木蘭戴金  
鉞鉞著鐵衲襠右手雁翎刀左手月輪弓叶跨上八尺馬  
輕若飛鴻翔木蘭父老下無丁弟上無壯王兄叶木蘭代  
父前戎行戎羗健兒八尺長不知木蘭弱與強木蘭與跋  
跋跋誰雌復誰雄叶健兒何草草木蘭何堂堂東市斫

西市斫相斫似阿若郎擒賊報信歸報我國玉國王償功  
爵名字始知木蘭是女娘女娘安用尚書郎請移木蘭爺  
父當國王進忠良制戎羗垂衣裳不下堂木蘭去兵亦為  
婦採桑

古樂府佳麗四十七曲有木蘭辭樂府原題木蘭女子  
也其父被調從征木蘭代父往防邊獲功而歸與人同  
伴十二年而人不知其為女子故其詩之卒章有雄兔  
脚撲朔雌兔眼迷離兩兔傍地走馬能知我是雄雌之  
句錢希言楚小志黃陂之北有木蘭山即古時朱氏女  
子代父從征者也傳為木蘭將軍塚廟俱在嚴滄浪詩  
話本蘭歌最古然朔氣傳金柝寒光照鐵衣之類已似  
太白必非漢魏人詩也唐詩品彙木蘭詞一首諸家選  
本及樂府俱以為不知名蜀文苑英華乃作章元甫詩  
恐非也郭茂倩樂府載木蘭詩有二篇前一章元甫詩  
後一篇或如文苑英華云章元甫之作叶胡光切音皇  
鏜他郎切音湯詩却風擊鼓其鏜鏜徒口切頭上聲鉞



莫侯切音謀。桐良獎切音兩。襠都郎切音當。博雅。襠謂之。初腹木蘭古詞。阿爺無大兒。木蘭無長兄。頭為市。鞍馬從此替。爺征又小。弟聞姊來磨刀霍霍。向猪羊。此云無丁。弟謂未成丁也。跳避列切音別。跋比末切音撥。梁折楊柳。曲健兒。須快馬快馬。須健兒。跋黃塵。下。然後別雄雌。魏志。楊和若少。任俠常以報仇。解怨為事故。時人為之號曰。東市相斫。楊阿若。西市相斫。楊阿若。木蘭古詞。同行十二年。不知木蘭是女郎。又可汗問所欲。木蘭不用。尚書郎。

懊儂詞并引

樂錄曰：懊儂歌者，石崇妾綠珠所作也。其辭未盡。

珠義今演。澀布語美珠節云。

四座且勿哄，平聲聽妾歌。懊儂竹直不可屈，布澀不可縫。縫

澀斷針，押屈竹破裂。

懊儂古樂府清商曲之一。樂府原題懷亦作惱。石崇侍人綠珠所作。綠布澀難縫而已。東晉隆安初，民間訛謠之。曲云：春草可攬，結女兒可攬。擷齊高帝謂之中朝歌。

華山畿

南徐有士子從華山畿往雲陽，見客舍一女子悅

之，無因遂感心疾。母問故，至華山尋女，得救。膝令

置席下，舉席見救。膝遂吞而死，氣欲絕。謂母曰：葬

從華山度，母從之比。至女門，牛不前。女歌曰：華山

畿君既為儂，死儂活為誰。施歡若見憐，時棺木為

儂。開棺應聲，開女透入棺，乃合。葬呼為神女塚云。

華山折東海竭，惟有相思情。萬古不可滅，白玉槲黃金棺。



金椎碎眼亦剝白骨臭腐神不還神不還如何華山畿為  
儂應聲而開棺儂入棺化作雙雙雉子斑

莊子儒發冢以金椎控其顛別其類無傷口  
中珠刺鳥歡切剝削也雉子斑古樂府曲名

捉箭詞

古詩云華陰山頭百尺井可憐女子能照影不見

其餘見斜領其詞義不可以訓今翻斜領歸諸正

云余亦士子遊華山巖野雲陽吳客舍一女子

百尺井女子來照影持此咸陽鏡不照左斜領照妾心肝

貞且勁

西京雜記秦始皇有方鏡照見  
心膽有邪心者即膽張心動

童男娶寡婦

童年十六寡婦六六年俯就寡婦姪還受壯女憐壯女拊

膺蹋地呼天俾妻鬼夫寧作生口老死不傳火風起燒野

田野鴨逐胡雁胡能牽連飛上天

梁紫騮馬歌辭野火燒田野田野鴨飛上天童男娶寡婦  
壯女笑殺人地驅樂歌老女不嫁蹋地喚天捉搦歌老  
女不嫁  
只生口

樓 汪若干校



新 公論之錄

六世口  
女不...

...

田... 乘江夫

...

...

鐵屋逸編註卷之二

目錄

阿準來操

桐廬太守歌

鐵骨搭

李鐵鎗歌

李鐵鎗此詞

房將軍歌

白馬生

篤才子

韋骨鯁

育老公

銅將軍

周鐵星

蔡葉行

毘陵行

吳宮燕子

丁孝子



虞邱孝子詞

崆峒渾淪歌

桃核杯歌

黃鵠曲

翁氏姊

處女塚

女貞木

雉子斑

濮州娘

金盤美人

小姑謠

捺瓢奴婿

鼠制虎

李媼餘傳

阿牽來操

阿牽來操

目錄

鐵厓逸編註卷之二

鐵厓逸編註卷之二

諸暨楊維禎廉夫著

同邑後學樓卜瀝西濱註

鄴蔭枚夏占

金蘭湘佩

訂

阿牽來操 并叙

阿牽來者即可汗簌羅迴曲也吹之羗管被之四

絃節為十有一拍始弄極慢不可節拍至六七弄

漸漸促數為十一而止今效李延年新聲補我朝

樂府是曲之盛用於大駕今鮮卑老將復用軍中

奏馬上管樂君子不無感也已



阿華來阿華來十有一拍拍莫催壯士卷蘆葉夜吹簫羅  
 迴胡霜凋折柳邊風吹落梅龍城寒月覆如柘陰山狐狸  
 奉首哀真人作統九垓一拍始天地開五拍奎斗回合歌  
 金槽雙權杪黃宮大絃聲若雷駕鸞頸殺羶胎鮮卑齊上  
 萬壽杯大駕歲還龍席臺阿華極阿華愁九九八十一春  
 秋黃霧迷涿邱桃皮筆集吹隴頭二十三絃如箜篌東青  
 雕雄糾糾白翎雀雌嘍嘍鮮卑老將涕交流為君美兜勒  
 將軍怒髮豎鋌鉞龍跳虎躍走蚩尤

說文胡人捲蘆葉吹之用以作樂折柳落梅皆笛曲名  
 王昌齡詩若使龍城飛將在不教胡馬度陰山史記衛  
 青擊匈奴自俞中並河以東屬之陰山徐廣曰陰山在五

原北通典陰山唐安北都護府也淮南子河漫期於九  
 垓之外高誘註九垓九天之外封禪書上暢九垓服慶  
 注垓重也天有九重杪桑何切音梭權郎何切音羅木  
 名出崑崙崑崙山通鑑注鮮卑東胡種元史文宗駐蹕龍  
 臺昌平山水記龍虎臺在居庸關南地勢高平如臺廣  
 二里袤三里元時車駕巡幸上都皆駐其東青雕白  
 翎雀見樂府白翎鵲詞註太平御覽胡笳者張博望入  
 西域傳其法於西涼惟得摩訶兜勒一曲藝文類聚龍  
 魚河圖曰黃帝攝政時有蚩尤兄弟八十一人並獸身  
 人語銅頭鐵額食沙石子造立兵仗刀戟大弩威震天  
 下誅殺無道不仁不慈萬民欲令黃帝行天子事黃帝  
 仁義不能禁止蚩尤仰天而歎天遣元女下授黃帝兵  
 信神符制伏蚩尤帝遂畫蚩尤形像以威天下咸謂  
 天下復擾亂黃帝遂畫蚩尤形像以威天下咸謂  
 蚩尤不死八方  
 萬邦皆為攝伏

桐廬太守歌

高昌王孫神仙人江南一望清無塵腰圍帶割犀麒麟五



馬如龍五花雲五花蹋海滿天春河陽花開桑雉馴放囚  
還家去虜避隣吳娘著白苧蠻客卸紅巾上天綸音煥若  
雷皇皇繡衣為爾來臣門如市臣心如冰彈琴堂上堂下  
治上和南風歌歸來奉天子

太守名伯顏不花的斤有文武才有詩梅花百詠元史  
忠義傳伯顏不花的斤字蒼崖畏吾兒氏駙馬都尉中  
書丞相封高昌王雪雪的斤之孫駙馬都尉江浙行省  
丞相封荆南王朵爾的斤之子也初用父廕同知信州  
路事又移建德路以功陞本路總管至正十六年授衢  
州路達魯花赤明年擢江東道廉訪副使十八年二月  
江西陳友諒遣賊黨王奉國等寇信州明年正月伯顏  
不花的斤自擢引兵援馬力戰不勝遂自刎五馬見一  
卷羅敷詞晉書潘岳為河陽令植桃李花人號曰河陽  
一縣花續漢書魯恭為中牟令專以德化為理郡國螟  
傷稼不入中牟河南尹袁安聞之遣掾往驗之恭隨行  
阡陌俱坐桑中有雉止其旁有兒童掾曰何不捕之兕

曰雉方將雛掾曰蟲不犯境一異也化及鳥獸二異也  
童子有仁心三異也還以白安後漢書虞延為洛陽令  
每歲時伏臘休遣囚徒感恩如期而至又劉昆為宏農  
太守仁化大行帟皆負子渡河又宋均遷九江郡虎相  
與東浮渡江鄭崇傳  
臣門如市臣心如冰

鐵骨搭 美浙江省鐵宣使也

鐵骨搭偉鶻砂性如獬豸口如鴉仰見太陰剥食砍七上  
天剗妖墓俯見海波揚誓拔快劍水上斷腹蛇才雄志大  
無位可施展乃令行人走使匹馬無停撻南藩大吏一月  
二十九日醉藩職不理莫敢輒疵瑕骨搭北上見官家官  
家問南事一一叩陛下陳治忽談忠邪天子為點首百官  
盡驚呀御史結舌慙輔車有附和無聲牙於乎骨搭者古



之汲直無以加。天子何不喚取歸南衙。下為百司司白簡。上為天子持黃麻。

漢輿服志獬豸冠禮圖曰法冠也獬豸一角獸董巴曰神羊也應劭曰此獸主觸不直故執法者象之又御史臺有烏集謂之烏府鴉即烏也搃擊也宋書孔凱為府長史雖醉日居多而曉明政事醒時判決未嘗有壅衆咸云孔公一月二十九日醉勝世人二十九日醒也湘山野錄李仲容曰五帝官天下三王家天下故曰官家汲謂汲黯也唐書南衙宰相往來晉書傅元每有奏劾或值日暮捧白簡不寐南史任昉每奏彈曰臣謹奉白簡以聞注白簡簡畧狀也會要唐翰林志云中書用黃白麻為綸命其後翰林專掌內命中書所出獨用黃麻其白麻皆在北院

李鐵鎗歌

古鐵鎗五代烈今鐵鎗萬人傑紅蠻昨夜斬關來防關老

將泣如孩鐵鎗手持丈二杆鐵馬突出擒紅魁碎紅頭鑿

紅骨誓紅不同生滅紅倒紅窟君不見錢塘城中十萬家

十萬甲兵楮如血一夜南風吹作雪

五代史王彥章踞錢鎗元史順帝紀至正十一年八月

鐵鎗封萬戶至正壬辰七月二十日破賊於杭余嘗

歌以美之是年九月不幸死於是關復為歌此之

李鐵鎗人之傑將之強手持鐵鎗丈二長鐵鎗入手烏龍

驤龍精射之落換槍皇帝十有二載秋七月紅兇西來寇

西浙防閑健兒走惶惶鐵鎗一怒目皆裂十萬楮衣暗城



關鐵鎗烏龍去明滅湏臾化作風雨來淨洗銅城滿城血  
嗚呼殪狻猊屠封狼鐵鎗之鋒無與當胡為將星昨夜墜  
豈關鐵鎗一折天無光天無光人悵悵雲臺倚天雲潛傷  
天子贈忠良祠以血食久青鄉嗚呼歸來乎鐵鎗

元史順帝紀至正十二年三月徐壽輝偽將項普畧陷  
饒州路遂陷徽州信州秋七月饒徽賊犯昱嶺關陷杭

州

房將軍歌

下萬甲美監憲牙將房居仁同知也居仁克有軍功無負

蓋憲選用之才寔可美也不見始於中

房將軍偉男子自從生長侯門裏不逐花游開紅鬃馬

能彎一石弓仰貫幾雕落流矢年來為國空勞落約束蛟  
鼉驅虜兇黃頭天驕真鷄兒不敢麾前矜爪背東道主人  
監司法愛惜將軍如愛兒三尺蒼龍每教捧五花紫騮親  
著騎紅蠻突關破城池城中旄穉東西馳主公馬首萬民  
望大軍函谷河橋師將軍搗虛出突竒雄隼一擊千紅靡  
柵頭四寨焚窟落聞面千里招降旗房將軍世希有曰忠  
曰孝要兩全還家解劍失慈母水漿三日不入口誓不同  
天取仇首我聞此事為噓嘔房將軍解君憂飲君酒酒酣  
擊劍護龍吼更為君王殺賊奴金印明年大如斗

後魏秦王幹從太宗出遊一箭下幾雕彌射雕都尉高  
駢見幾雕曰我貴當中之發貫幾雕彌幾雕侍御周



顛傳今年殺諸賊奴取斗大金印繫肘

白馬生 邊魯生字至愚嘗從公遊別去十年以淮南樞幕東來招水軍

白馬生人之英我昔與之夜讀素王斧鉞之刑經恥與黃

石談陰兵挾策誓上天子廷天子未報淮南相君許與一

諾重泰山一拔為之輕西來白馬玉鈎鷹馬前席士謾胡

纓露布朝馳黑洋寨拔劍夜落紅旄精紅旄精值太白亂

臣賊子乘之以額額東方方面天下隘士女狗馬金穀白

東方大臣虧石畫何不攤黃金留上客射書吳門圍逆順

語明白不必募朱屠兕殺鄙救趙揮金槌 八

元史順帝紀至正十二年閏三月立淮南江北等處行中書省治揚州十三年十月立水軍都萬戶府於崑山

州額額不休貌虞書罔晝夜唯額魯連子燕伐齊取七十餘城田單破燕軍復齊城唯聊城不下魯仲連乃為書著之於矢以射城中燕將得書泣三日乃自殺史記

朱亥袖四十斤鐵椎椎殺晉鄙公子遂將晉鄙軍救趙

篤才子 篤魯沙字行之從游於先生人呼為篤才子今從軍在揚州

篤才子虎之武豹之文長安少年雞狗群鬪雞走狗徒紛

紆許身窈比稷與契敵納未及承華勛新豐飲酒酒一斗

大娘舞刀刀百斤進履惟師黃石子射軍自卻紅頭軍篤

才子豈不聞待我國士報國士富貴於我如浮雲時危揮

劍肝膽露世上豈之平原君 無

杜甫詩許身一何愚窈比稷與契又詩題有觀公孫大娘弟子舞劍器行戰國策豫讓曰智伯以國士遇臣臣

故以國士報之史記平原君列傳毛遂按劍而前高適卽卽少年行未知肝膽向誰是令人却憶平原君



韋骨鯁 并序

韋名清江陵人性強梗好怒罵人號為韋骨鯁省  
 臺大臣有過輒昌言之無忌偽張氏太弟奪浙相  
 位相僚曰壽曰的拜其偽太妃已而復奪臺印章  
 大夫普持印未決清走普所屬語曰大夫尚不能  
 殉印一死耶普死之清時為察胥獨航海至京師  
 上書言壽的喪節普完節及陳便宜二十事上不  
 報徒步回江陵故里吳主欲仕之清力乞骸骨侍  
 親遂落魄金陵市中以詩酒為事母死後服道士  
 服游五岳名山云予以清非巨卿大吏而嫉邪憤

世有禰正平之氣節求之於妾婦世豈不在可詠  
 之列耶為作韋骨鯁詩

韋骨鯁性倥傯 疑當作倥傯 語軋戩 疑當作軋戩 眼中有周公孔子舌底有

龍逢比干見無義漢不律官怒癭突項髑芒刺生肺肝說  
 敢向漢遮欄駕策不同秦鑽世人不知識之我獨角巾如豸  
 冠痛吟蕩陰里悲歌清淚灘左從右衡萬妾嬪朝梁暮晉  
 千痴頑弗弧弗又劫白日鈿郎模做同軒走轂下出臺端  
 力陳悖逆不赦金雞竿敗紅一陣逐風去木駃萬駕蠓蚱  
 盤劫來秣陵市佯狂落魄酒澆舌本黃河乾我有孤竹和  
 君獨絲彈神仙狡獪只在吾人間倒騎一笑與爾共訪西



華山

倭莫八切麻入聲脩呼八切儂入聲廣韵倭脩健貌韓  
 愈征蜀聯句填隍儼倭脩軋乙黠切音摠車輟也戕居  
 寒切音干盾也鶻補各切音博肩甲也文選商鞅扶三  
 策以鑽孝公意謂不仕偽吳也王僧虔技錄相和歌楚  
 調曲有梁父吟行詞曰步出齊南城遙望蕩陰里五代  
 史王彥章口豈有朝事梁暮事晉生何面目見天下之  
 人乎鉗與掘同荀子無鉗墳墓虻居寒切音干蟲侵物  
 也鮑宣傳白虹虻日金雞竿見卷一秦女休行駢居月  
 切音厥駢良馬北地所產韻會鳩去也又發語詞通  
 雅鳩來猶何來也集仙錄明星玉女者居華山服玉漿  
 昇天

盲老公

刺拜住哥臺長戊戌十月二十三日黨海寇用壯  
 士椎殺邁里古思將黃中禽拜住盡戮其家

盲老公侍御史崇臺半面呼天子白米紅鹽十萬家鳳笙

龍管三千指門前養客皆天驕一客解散千黃苗太阿之

枋忽倒擲槌殺義鶻招羣鳥一客死百客辱萬夫怒一夫

獨生縛老盲來作俘百口賤良一日戮獨遣小娥年十五

腰金買身潛出戶馱作倡家馬

元史邁里古思傳邁里古思保障紹興民愛之如父母  
 會方國珍侵據紹興屬縣邁里古思曰國珍本海賊今  
 既降為大官而復來害吾民可乎欲率兵往問罪先遣  
 部將黃中取上虞中還請益兵是時朝廷方倚重國珍  
 資其舟以運糧而御史大夫拜住哥與國珍素通賄賂  
 情好甚厚即使人名邁里古思至其私第與計事至則  
 命左右以鐵槌槌死之斷其頭擲廁溷中城中民聞之  
 無不慟哭者黃中乃率其衆復仇盡殺拜住哥家人及  
 臺府官員掾吏苗謂苗  
 師也枋音柄與柄同



銅將軍

刺偽相張士信丁未六月六日為龍井砲擊死

銅將軍無目視有準無耳聽有神高紗紅帽鐵篙子南來

開府稱藩臣兵強國富結四隣上稟正朔天王尊阿弟住

國東國鈞僭逼大兄稱孤君案前火勢十妖嬖後宮春艷

千花嬪水犀萬弩填震澤河丁萬鍾輸茅津神愁鬼憤哭

萬民銅將軍天假手疾雷一擊粉碎千金身斬妖蔓拔禍

根烈火三日燒碧雲鐵篙子面縛西向為吳賓住國疑是

元史順帝紀至正十三年五月泰州白駒場亭民張士誠及其弟士德士信為亂僭國號大周自稱誠王建元天祐又達識帖睦爾傳張士誠以書詐降遂授士誠太尉其弟士德淮南行省平章政事士信同知行樞密院

事士德尋為大明兵所擒復陞士信淮南行省平章政事士誠求王爵不報士誠遂自立為吳王士信自為江浙行省左丞相明錄姑蘇園急士信張幙城上踞銀椅與參政謝節等會食左右方進桃未及嘗忽飛礮碎其首而死銅將軍砲也鐵篙子謂士誠尚書注震澤即太湖也左傳注茅津在河東大陽縣西按明太祖初稱吳元年故云吳賓

周鐵星

張氏亡國亡於其弟士信趣亡於毒斂臣周依依

山陽鐵冶子以聚斂功至上鄉伏誅日曰錢穀益

鐵藉皆在我汝國欲富當勿殺我主者怒曰亡國

賊不知死罪敢言是耶速殺之吳人快之或手領

謝天曰今日天開眼也



周鐵星國上鄉談申韓為法經釘箠杖為國刑千倉萬庫  
 內外盈十有三賦爭科各周鐵星鞭笞箕歛無時停開血  
 河築血城血戰艦血軍營刮民膏啣民髓六郡赤骨填芻  
 靈齊雲倚天一日傾鐵星亡國法當烹尚將六郡金谷數  
 丐死萬一充虞衡嗚呼周鐵星十抽一椎百萬釘誓剗爾  
 體作溺嬰鐵星碎地啟曠天開顛

啣音朔口吸也顛音盲

蔡葉行

刺佞倖臣蔡文葉德張氏亡國由大弟致此實由  
 二佞丁未春二佞伏誅於臺城風乾其尸於秤刑

者一月

君不見偽吳兄弟四六七十年強兵富金穀大兄垂旒不  
 下堂小弟秉鈞獨當國山陰蔡藥師雲陽葉星卜朝坐白  
 玉堂暮宿黃金屋文不談周召武不論頗牧機務託腹心  
 邊策憑耳目弄臣什什引膝前骨鯁孤孤內囚牯去年東  
 臺殺普化今年南垣殺鐵木鳳陵剖棺取含珠鯨海刮商  
 劫沉玉粥官隨地進妖艷籠貨無時滿坑谷西風捲地來  
 六郡下破竹朽索不御六馬奔腐木那支五樓覆大越先  
 罪魁餘殃盡拏戮寄謝悠悠佞倖兒福不盈眦禍連族何  
 如其門市賣藥賣卜餓死亦足



輟耕錄張士誠弟兄四人弟士義士德士信又至正壬辰春城平江於古城基內掘得一碑其文云三十六也張太子子云云不曉所言何事說者謂三十八人也豈其然歟明錄尉弟行九四而同首乳者適十八人者士信也又士誠張士誠弟張九六即士德然則九七者士信也又士誠謀主惟弟士德及部將史椿士德被擒楮被誘遣使奉書欲來歸事洩士誠殺之委政於弟士信士信惟務酒色用王敬夫葉德新蔡彦大皆諂佞小人時有市諛十化帖木兒索行臺印章普化帖木兒封其印置諸庫曰我頭可斷印不可與也從容沐浴更衣與妻子訣賦詩二章乃仰藥而死達識帖睦爾聞之歎曰大夫且死吾不死何為遂命左右以藥酒進飲之而死按達識帖睦爾鐵木兒塔識弟也西風謂明太祖大越時紹興城為士誠所據

昆陵行記十月七日事

孟冬四將發句吳彎弓誓落鬣髯顧智謀無遇史萬葉嫖

姚無加李金吾前茅已作破竹刃三覆乃裹含沙狙常山

長蛇一斷尾即墨怒牯齊犇踊玉蕊孤軍呼庚癸卓鴉萬

甲迷糝糊江南長技江北無蒲牢一吼千鯨呼赤杠卓入

鐵甕戶鐵翅橫截丹陽湖擣虛之策不出此赤手可縛生

於菟當時上將陷江都至今莫贖千金軀後來飛將慎勿

踈襄王城頭啼白鳥如何臨期易將犯兵忌何必不讀孫

吳書烏乎臨期易將犯兵忌何必不讀孫吳書

輟耕錄至正十三年五月張士誠陷通泰高郵自號誠王改元天祐十五年五月攻破揚州殺淮南行省參政

趙璉十月初一日丞相脫脫親總大軍以擒之衆號百萬旌旗輜重首尾千里以為高郵刺日可平然脫脫與

御史大夫也先帖木兒專權日久及出師遂有議其後者詔脫脫安置淮安路也先帖木兒安置寧夏路別選



相臣統其兵高郵間詔解其權勇氣百倍諸衛鐵甲軍  
抱不平者盡皆散去高郵不可得而復矣十六年正月  
朔士誠遣士德攻破常熟州江蘇行省丞相達識帖木  
兒有旨得便宜行事陞漕運萬戶脫因隆平郡常州  
戰而敗士誠遂據有平江路易平江路為破易為毘陵  
豪俠黃貴甫間道歸款許為內應不戰而破易為毘陵  
郡左傳軍行右轅左追尋前茅慮無杜預註備慮有無  
也茅明也又君為三覆以待之註覆伏兵也又南越有  
盛能含沙射人影史記田單傳騎劫攻即墨田單取牛  
千頭衣以五采束矛其角縛火其尾穿城而出壯士因  
擊之燕師大敗遂收齊城左傳申叔儀乞糧於公孫有  
山氏曰佩玉榮兮余無所繫之旨酒一盛兮余與褐之  
父睨之對曰梁則無矣麤則有之若登首山以呼曰庚  
癸乎則諾註榮然服飾備也軍中不得出糧故為私隱  
庚西方主穀癸北方主水西京賦發鯨魚鏗華鐘薛綜  
注海中大魚名鯨海島又有大獸名蒲牢畏鯨魚  
鯨魚擊蒲牢輒鳴凡鐘作蒲牢於上以所擊之者為  
鯨魚有篆刻文故曰華鐘杜牧潤州詩城高鐵甕橫  
弩自注潤州城孫權築號為鐵甕元和郡縣志丹陽湖  
在宣州當塗縣東南七十九里周圍三百餘里與涇水

縣分湖為界左傳  
楚人謂虎於菟

吳宮燕 此演鮑照空城雀語也

吳宮燕秋復春 饑食玉山粒 渴飲玉池津 木魅吹火火及

爾巢焚爾身 不如青雀子 飛去銜紅巾 此傷丁未九月九

鮑照空城雀詩雀乳四散空城之阿朝食野粟夕飲清  
河高飛畏鳴鳥下飛畏網羅誠不及青雀遠食玉山禾  
猶勝吳宮燕無罪得焚窠賦命有厚薄長嘆欲如何樂  
府解題鮑照空城雀云云言輕飛近集茹腹辛傷免網  
羅而已吳地記春中君都吳宮因加巧飾春申死吏照  
燕窠失火遂焚嵇康詩靈鳳振羽儀戩景四海濱朝食  
琅玕寔夕飲玉池津鮑照蕪城賦木魅山鬼說文魅老  
物精也杜甫麗人行青鳥飛去銜紅巾元史順帝紀至  
正二十七年九月辛巳大明兵取平江  
路執張士誠按辛巳丁未九月八日也

丁孝子 并引



孝子名祥一諸暨農家子母喪明祥一謁醫不能療日夜抱母泣而舐之歷百日母瞽豁然開明有司旌其門為孝子之門

孝子蘭刺木肖母顏木有神痛相關况我孝子有母上堂

問安否音甫母胡為目雙瞽母瞽捫壁行行聽孝子聲孝子

泣母舐母目何時仰天見日星朝舐瞽暮舐瞽一日二日

百里程母瞽豁然而月明隣里來賀母如長夜再生孝子

各上達京

孫盛逸士傳丁蘭少喪母不及養乃刺木為親形事之若生隣人張叔從蘭妻有所借蘭妻跪拜木人木人不悅不借之叔醉罵木人以杖叩其頭蘭歸殺張叔郡縣嘉其孝舐土紙切時上聲以舌取物也

虞邱孝子詞 并引

顧亮會稽上虞人也父珪倡義兵拒海寇與鹵部仇至正戊戌冬邁里古思引兵東渡珪為鹵所害亮時年十五每有推刃報仇之志而未獲遂也閱去十餘年過余道其事揮涕哽噎髮盡豎予悲其志為作虞邱孝子詞以繼古樂府云

虞邱孝子父仇未雪長劍柱頤戢草在舌夜誦獨漉篇涕泗盡成血嗚呼頭上天戴昏曉千金去買零陵之七刀虞邱孝子心始了

崆峒渾淪歌



老子言混沌於物未鑿之先鑿則死矣崆峒子名  
 渾淪於既自形之後曰不死可乎而有不死者尸  
 解後天美九先天是死不死辨也歌渾淪無慮百  
 十家而又求予言故復叙之為鄭重其詞言周柱  
 史之旨者句曲張外史出予言質之

貞州道人鄭崆峒自言得道金公之棘栗遂歸來因號崆  
 峒子不識盤皇破殼之雌雄有物先天天鼻祖一畫天作  
 公再畫地作母渾淪不可補昇妻合得七寶九歲費斧斤  
 三萬戶道人渾淪人弗知竊笑李下華顛兒有時中美金  
 月散作萬水圓琉璃渾天圓太極圓曰器曰道何紛然而

况投閣子五十重草元於乎渾淪子爾之生兮曷以始爾  
 之死兮曷以止九九八十一蔓紀渾淪不生亦不死

王蕃渾天說舊說天地之體狀如鳥卵天包地外猶殼  
 之裏黃周圍如彈丸故曰渾天言其形渾渾如也韻會  
 人胚胎鼻先受形故謂始祖為鼻祖論衡昇請不死藥  
 於西王母昇妻嫦娥竊以奔月西陽雜俎太和初有王  
 秀才遊嵩山見一人枕幙而坐曰君知月乃七寶合成  
 乎月勢如丸其影則日燦其凹處也常有八萬三千戶  
 脩之予即一數老子內傳太上老君姓李名重耳字伯  
 陽楚國苦縣曲仁里人其母見日精下落如流星飛入  
 口中因有娠懷之七十二歲於陳國渦水李樹下剖左  
 腋而生指李樹曰此為我姓生而白首故號老子耳有  
 三漏又號老聃漢書王莽以符命自立時楊雄校書天  
 祿閣上治獄使者欲收雄獄雄從閣上自投下京師為  
 之語曰惟寂寞自投閣愛清淨作符命

桃核杯歌



道人余筠谷為余道長春真人事世祖皇帝幸長  
 春館真人方晝寢盤桓久之始寤上曰真人何之  
 對曰臣赴蟠桃宴上曰有徵乎曰有乃袖出桃核  
 大如盃上神之玩不去手命左右持去真人請剖  
 而為杯一以奉上而自留其一上命置萬億庫永  
 為我家鎮國之寶時館閣先生未有歌詠筠谷請

曰此我朝奇事當得老鐵史奇語以傳世為補賦

桃核杯樂府一解

西霞火龍躡罡風飛上萬八千里崑崙宮玉衡精結萬年  
 果朔兒不敢偷春紅夢中紅日炎金甲龍準天人臨卧榻

笑問火龍何所之袖出連環大如楹雄雷走天天發歛裂  
 作兩扇為鴛杯神珠脫胎日月破鬼斧鑿竅乾坤開左扇  
 入天府右扇留丹臺七星劍斷雙紅結天狗天狼落如雪  
 願承漢武掌中露不染田疆咽下血嗚呼金甌缺寶鼎遷  
 鼎湖龍去何時旋八十紀鼎水變桑田招霞師談後天雙  
 杯復合十斛大甕磅礮巔

元史釋老傳邱處機登州西霞人自號長春子兒時有  
 相者謂其異日當為神仙宗伯師重陽玉真人重陽大  
 器之金宋之季俱遣使來召不赴太祖詔求之屢機促  
 裝往見拳拳以止殺為勸太祖悅賜食設廬帳甚飭於  
 是錫之虎符副以璽書不斥其名惟曰神仙改賜宮名  
 曰長春四傳有神志誠者道譽甚著丞相安童過而問  
 之志誠告以脩身治世之要其後復被召入相志誠曰  
 昔與子同列者何人今同列者何人安童悟入見世祖



辭曰臣昔為宰相年尚少幸不失陛下事者丞佐皆臣  
所師友今事臣者皆進與臣俱則臣之為政能有加於  
前乎世祖曰誰為卿言是對曰祈真人世祖嘆異者以  
之按序云事世祖皇帝其祈真人歟抑詩稱霞師其即  
太祖事而訛為世祖也博物志崑崙從廣萬一千里神  
物所集東方朔十洲記崑崙上有積石瑤房流精之闕  
瓊華之室西王母所治也漢武故事東郡獻短人帝呼  
東方朔至短人指朔謂曰王母種桃三千歲一寔此  
兒不良已三偷之矣史記漢祖隆準龍顏神仙傳紫陽  
真人遇羨門子高拜乞長生訣羨門曰子在丹臺玉  
室何憂不仙吳越春秋伍子胥過江解劍與漁父曰此  
劍有七星北斗文漢武故事帝作銅承露盤上有仙人  
掌承雲表之露晏子春秋公孫接田開疆古冶子事景  
公以勇力搏虎聞史記黃帝鑄鼎於荆山下鼎既成有  
龍垂胡髯下迎黃帝磅晉即切音  
滂隕石聲磳徒郎切音唐岸石也

黃鵠曲

蕭山顧節婦年二十居寡貴要將強婿之顧賦詩

自誓改道家裝絕之為賦魯陶嬰黃鵠辭

黃鵠雙栖今年命有不齊雌將離兮失其雄飛叶雖失雄

飛孤自誓平豈無他雄兮誓不徙故栖使君兮迷予與孤

俾予改圖一女可二夫使君事主塗亦殊

樂府鼓角橫吹十五曲有黃鵠吟列女傳陶嬰夫死守  
義魯人欲求之作黃鵠歌曰悲夫黃鵠之早寡兮七年  
不雙宛頸獨宿兮不與眾同夜半悲鳴兮想其故雄天  
命早寡兮獨宿何傷寡婦念此兮泣下數行嗚呼哀哉  
今死者不可忘飛鳥尚然兮况於貞良  
雖有賢雄兮終不同行魯人聞之遂止

翁氏姊

翁氏姊者錢唐人年四十不嫁寇陷錢唐與弟忠

一家四人誓結袂死於河姊曰河之死者有穢矣



吾獨尋乾淨水死忠等赴河姊亦不見乃跳城陰

古井死

翁氏當亂離投河誓翁媪生為同林鳥死作結縷草翁氏  
姊投袂赴長河賊殺血污水我胡為河裏死莫耶古井古  
陰陰下有斗水琉璃深井中古劍劍妾心莫耶夜作蛟龍  
吟

蘇軾詩救水媚  
翁媪謂父母也

處女塚

處女名雪字玉靈余從父女弟也年十三善琴十  
五攻詞翰二十許陳氏子未娶陳沒遂守志不嫁

達官聘之不允自誓之死作處女塚兵亂處女閉

戶餓而死年四十有二塚在梧桐山先隴側

楊處女白雪靈慈母惜白雪抱玉真珠擊十三善瑤琴不

作濮上音十五美彤管不作花帽情叮嚀媒與伴必嫁公

與鄉英英馬上郎貂帽繡衣裳來交處女幣願作處女郎

貯以黃金屋薦以白玉床大珠連理帶七寶合歡床大珠

五十萬七寶百萬襁黃羊尾如扇文雞若鳳凰置酒結高

宴長跪起行觴處女誓慈母有死不下堂嗟嗟楊處女處

女節獨苦事母終母喪母墳成負土白髮五十秋五十終

處女誓作處女墳南山華表柱荒城兵火交三月不開戶



生作獨月娥肯作城中三嫁婦

按嫁必公卿媒言云爾英英馬上即云：已是達官聘之陳氏子未娶而沒在後節獨苦三字見得乃倒裝法也

女貞木

寇陷淞淞有夏氏女為寇掠誓死不污寇持刃脇之不懼大號於天於父母請速死寇怒分其肢插其首於木越三日木為萌葉余為賦女貞木補古

樂府

貞女生獨守正貞女死完正命嗟爾貞女受厥性霹靂不死貞女身霹靂裁作千年琴一彈貞女離居曲再彈貞女

孤雉吟

琴錄霹靂引楚商梁出遊九皋之澤遇風雷霹靂懼而歸作此引

雉子斑

秀女有姊妹被苗帥強聘為之妻又遣妹媒而致其姊姊不從赴水絕之妹亦尋死為賦雉子斑

雉子斑雉子將雛：兩雌麥田青青四月時雉子斑斑上毛衣網羅一相失誤為囹所危吁嗟爾為囹誤又恐為我

媒叶我今謝爾死豈忍須臾遲兩雌死同歸琴聲鼓之為

嗟咨英英鷓鴣兒百鳥不敢欺只如燕燕傍人飛

樂府解題古詞云雉子高飛止黃鵠飛之以千里雄來飛從雌視蓋取首二字以命名也樂府原題按吳兢所



引古辭以為始作之詞此古詞無雉子斑之語往、雉子斑之作復在此古詞之前吳兢未之見也如吳均可憐雉子斑又後人所作也元史達識帖睦通傳苗軍帥楊完者時駐嘉興又苗軍素無紀律肆為鈔掠所遇蕩然無遺李白詩麥隴青青三月時白雉朝飛拔兩雌回吾禾切音訛紫馴鳥誘外鳥而使之來曰囹即今鳥媒也鷓音霜鷓鳩鷹也古樂府題有燕、于飛

濮州娘

朱鬣氏掠女婦擇白臍者一狎即赴湯火熬膏為

攻城火藥濮州花娘薛氏者瀕殺復與裸飲飲婪

酣抱花娘卧乘酣睡抽其佩刀刺之遁出馳馬抵

官兵營遂擒其衆吁薛氏婦也而壯節可尚亦乳

世奇事為賦濮州娘列古樂府

濮州花娘勸君酒酒中電影紅蛇走花娘分死紅焰焦五

尺肉軀油一斗連床裸飲飲婪醺花娘待罪眠紅茵突咽

一寸堪七首夜馳鐵騎投官軍君不見始州王氏女拔美

又殺羌虎濮州花娘刺客才劍器何須大娘舞

鬣莫駕切音罵帶結飾抹額也元史順帝紀至正十一年五月穎州妖人劉福通為亂以紅巾為號又十七年八月劉福通兵陷大名路遂自曹濮陷衛輝路堪職任切斟去聲擬擊也史記荆軻傳右手搃其胷杜甫詩有觀公孫大娘弟子舞劍器行

金盤美人

刺偽駙馬潘某潘娶美倡凡數十内一蘇氏才色

兼美醉後尋其罪殺之以金盤薦其首於客宴絕



類北齊主事國亡伏誅臺城投其首於溷

昨夜金床喜喜薦美人體今日金盤愁愁薦美人頭明朝

使君在何處溷中人溺血骷髏君不見東山宴上琵琶

骨夜：鬼語啼笙篔

北齊主納娼婦薛氏清河王岳嘗因其娼迎之至第主怒殺其娼薛甚寵於主久之主忽思其與岳通斬首藏於懷出東山宴飲探其首投於盤支解其屍弄其髀為琵琶復收髀流涕曰佳人難再得載屍出葬主被髮步哭送之樂府雜錄笙篔乃鄭衛音之權輿也以其亡國之音故號空國之侯

小姑謠

小姑失母年十五大嫂育之嫂如母小姑急嫁嫁蠻郎雙鬟私插金釵股大嫂泣血告小姑爾祖儀同父上柱如何

世閥不對當失身去作蠻郎婦汝貪蠻婦多金銀寧嫁華

郎守賤貧蠻郎金多不到老華人雖窶終吾身小姑不聽

大嫂戒蠻郎戰沒羊羅寨五丁一夜發郿塢官籍黃金官

估賣小姑還家嫂怒嗔棄置棄置同市門嫁衣重繡金織

孫今年又嫁為將軍

按輟耕錄老苗事疑小姑為平章慶童女蠻郎則楊完者也楊完者字彥英武岡綏寧之赤水人湖廣陶夢禎招之得旁緣入中國至正十六年秋平江兵入杭完者自嘉興來駐兵城中菜市橋外未即進民自為戰勝完者兵淫刑以逞築營得勝堰周圍三四里子女玉帛皆在焉且以為郿塢計丞相以衆攻殺之完者戰敗盡殺所有婦女自經以死獨平章慶童女以先往在富陽得免慶童女已嘗許嫁親王為完者強委禽焉至是未及三月宋書漢延平九年鄧騭為車騎將軍開府儀同三司儀同之名自此始史記貨殖傳刺繡文不如倚市門



類纂開元中郭元振下第夜行失道見一宅燈燭熒煌  
 惟聞女子哭聲郭問之女曰妾良家女也父母利鄉人  
 之金醉妾此廟中云為烏將軍神娶婦至二更當來郭  
 憤然曰吾當殺此妖以救汝良久車馬駢至郭出揖迎  
 因拔佩刀斫其股將軍失聲而走天明視之乃猪蹄也  
 俄而父母至今鄉人逐之至一古塚中一大猪無前蹄  
 而斃女嫁郭為側室

捺瓢奴

捺瓢奴眼雙瞽自言脫胎時黃金盆中浴保母承家三世  
 笏負郭萬鍾畝入擁千金姬出乘五色馬讀書不成文  
 孿弓不成武前年喪翁今年喪考父捺瓢奴眼雙瞽隣翁感  
 歎為我語爾家法家稱乳虎孤人之兒寡人婦

漢書酷吏傳寧見乳  
 虎無值寧成之怒

鼠制虎

上海有武浙商舟者河虎劫商財欲溺商商抱虎  
 同溺虎死商泳而去鐵史聞之為作鼠制虎

河之虎莫孰禦河之鼠亦莫予敢侮虎一怒鼠無生鼠一  
 怒制虎死河泮浮雲救白日天風捲后土孰識鼠冤若鼠  
 冤苦訴諸河伯府河伯為我告天不生此河虎

樓 灝 監 校



此詩...

無憂之樂

鐵屋逸編註卷之三

目錄

獨酌謠

勸爾酒

春夜樂

老客婦謠

元夕與婦飲

無憂之樂

上陵者篇

問生靈

四星謠

換槍謠

吳山謠

折逃屋

山鹿篇

鐵城謠

杵歌

石郎詞



石郎謠

佛郎國新貢天馬歌

浴官馬

桃花犬

借南狸

雀勞利

丈人鳥

聽鶯曲

祀蠶姑火龍詞

鐵厓逸編註卷之三

諸暨楊維禎廉夫著

同邑後學樓卜瀍西濱註

陳楠南望

楊心田萊蒼訂

獨酌謠

我約月槎客。去向月宮遊。試辨月中物。山河之倒影。大樹之閭浮。昇妻不死到。今幾甲子。山夷海突還。紀宮中籌。吾聞九州之外。更九州。君房曼倩不能週。豈無湯桀與軒尤。造蠻迭觸尋戈矛。久安長治安得萬歲而千秋。君不見沙邱鮑。烏江猴。白門兔。荊州牛。錦裯老羯。金床小蠕。邗溝又



築汪芒邱淚亦不能為之墮心亦胡能生許愁采石枹赤壁舟古人不與今人在古月還為今人留呼酒重登黃鶴樓

容齋隨筆酉陽雜俎天咫篇記月中蟾桂引釋氏書言  
須彌山南面有閻扶樹月遇樹影入月中或言月中蟾  
桂地影也空處水影也坡公鑿空閣詩月中本自明無  
心孰為境挂空如水鑑寫此山河影我觀大瀛海巨浸  
與天永九州居其間無異蛇盤鏡空水而無質相照但  
耿耿妄云桂兔慕俗說皆可屏正用此說史記騶衍以  
為儒者所謂中國於天下乃八十一分居其一分耳中  
國名曰赤縣神州赤縣神州內自有九州禹之序九州  
是也不得為州數中國外如赤縣神州者乃所謂九州  
也漢書賈捐之字君房賈誼之曾孫也又東方朔字曼  
倩平原厭次人也史記夏本紀黃帝姓公孫名曰軒轅  
遂率兵以伐夏桀又五帝本紀黃帝諸侯皆歸湯湯  
出尤作亂不用帝命於是乃徵師諸侯與蚩尤戰於涿  
鹿之野又秦始皇本紀始皇崩於沙邱平臺會暑上輶

車輿乃詔從官令車載一石鮑魚以亂其臭烏江猴謂  
項羽沐猴而冠列於烏江也後漢書呂布傳布常御良  
馬曰赤兔能馳城飛塹又布登白門樓兵圍之急乃降  
晉書桓溫傳聞劉景升千斤大牛噉芻豆十倍於常牛  
負重致遠曾不若一羸特魏武入荊州以享軍士綱目  
安祿山生日名入禁中貴妃以錦繡為大襦祿裏之使  
宮人以綵輿舁之上賜貴妃洗兒金銀錢復厚賜祿山  
新唐書董昌傳方士朱思遠築壇祀天詭言天符夜降  
碧楮朱文不可識昌曰識言兔上金床我生於卯明年  
歲旅其次二月朔之明日皆卯也我以其時當即位水  
經注昔吳將伐齊北霸中國自廣陵東南築邗城城下  
掘深溝謂之韓江亦曰邗溟溝太平寰宇記孫策自壽  
春欲經畧江東揚州刺史劉繇遣將樊能于糜屯橫江  
孫策破之於此對江岸之采石往來濟渡處隋將韓擒  
虎平陳自采石濟亦此處也陸放翁入蜀記采石一名  
牛渚與和州對岸江面比瓜州為狹故隋韓擒虎平陳  
及本朝曹彬下江南皆自此渡通鑑孫權以周瑜程普  
為左右督將兵與劉備并力逆曹操遇於赤壁榛次江  
北瑜等在南岸部將黃蓋曰操軍方運船艦首尾相接  
可燒而走也乃以書詐降去北軍二里餘同時發火接



烈風猛北軍大壞搽引軍華容道步走今按江漢間言  
赤壁者五漢陽漢川黃州嘉魚江夏惟江夏之說合於  
史一統志黃鶴樓在武昌府城西黃鶴磯上

勸爾酒

勸爾酒酒不必瓊漿歌爾婦婦不必姬姜舞衣不必綉羅  
裳但願百年日飲三萬六千場君不見金頭雞銀尾羊主  
人舉按勸客嘗主人新拜羽林郎孟公君卿坐滿堂高談  
大辯洪鍾撞美人七十三鳳凰雄啼雌嘯協笙簧願君日  
飲懽樂康白日未徂清夜長明朝賜爾鴆一觴金千重玉  
千扛不得收拾歸黃腸

楊升菴集古詩青玉案即盤也今以為桌非矣孟光舉案即舉盤也若桌安事舉乎按周禮主人案有十二寸

史記高祖過趙趙王自持案進食萬石君對案不食皆指椹禁之類而言不謂几案也漢書游俠傳陳遵字孟公遵者酒每大飲賓客滿堂輒閉門取客車轄投井中又樓護字君卿時王氏賓客滿門各有所厚惟護盡入其門咸得其驩心後漢書梁商傳商薨賜以東園朱壽之器銀鏤黃腸注以柏木黃心為椁曰黃腸也

其二

聲珊珊還隨金碗到人間道人客散七寮處下與斛律銅  
龍班道人道機晚已熟瓦礫黃金土珠玉時時藥市出懸  
壺自日麴生來捧腹古春古春更奇殮花東海蟠桃枝  
相期結子三千歲醉飲瑤池白玉卮

孔氏志怪漢盧充家西有崔少府墓充與崔女為幽婚生子臨別贈以金枕并詩云何以贈余親金枕可願兒瓦礫黃金土珠玉猶言銖視軒冕塵視珠玉云爾後漢書費長房為市掾有老翁賣藥於市懸一壺於肆頭及



市罷輒跳入壺中長房因往再拜乃與俱入壺中開元  
 傳信記葉法善有道術一日與朝士會忽一人叩門稱  
 麴生秀才突入座內言語不凡葉疑其非人潛以飛劍  
 擊之應手墮地乃一酒榼中有美酒飲之同坐曰麴生  
 風味不可忘也春酒名也唐人酒名酒多以春杜子美詩  
 聞道雲安麴米春韓退之詩且須勤買拋青春劉夢得  
 詩鸚鵡杯中若下春白居易詩注云杭州釀酒趁梨花  
 時熟號為梨花春國史補云酒則有棗陽之土窟春富  
 平之石凍春劍南之燒春裴  
 劍於洞庭湖緱氏子煉為笛又得古琴於赤城相傳賈  
 師相故物得胡琴於大陵呂氏得管於杭老官人所云  
 宋道君內府物又得玉帶硯一古陶甕一硯為文文山  
 之手澤甕為秦祖龍藏中器也既而關一室以居六者  
 老人時燕居其中六者皆以客遇之而又命之名焉以  
 鐵笛形如龍狀而聲如龍吟也故名之曰洞庭鐵龍君  
 以胡斛聲相近琴又主於律口噤以珠而聲又如貫珠  
 然故名胡琴曰西域斛律珠以象山管氏筒以古琴有焦  
 為管管又同於筒故名之曰象山管氏筒

尾材又聲如秋聲故名之曰赤城焦氏秋硯本石而玉  
 帶文且出文山氏故名之曰文山玉帶石古陶出於瀉  
 池君之墓也盛酒於中經歲不變而折花其中又能自  
 葩寔不死故名之曰陶氏太古春書洞庭書西域者紀  
 異也書文山者尊忠臣也書筒管而書道君書秋聲  
 而不書秋壑書太古春而不書筒管而書道君書秋聲  
 主也老人古之廉士今之怪奇人也所以不遇於世又  
 客六者之間而七馬總而顏客之所曰七客者之寮客  
 主道人之道亦以客自目蓋相忘於六者之間不知  
 主為客客為主也說光陰者謂百代遇客一人託一室於  
 宇宙之內雖主亦客耳人於形骸之外有主客之分是  
 以物我相形而化往來至我忘物物忘我主客何有哉  
 不與物競而與化往來至我忘物物忘我主客何有哉  
 道人既自志而與化往來至我忘物物忘我主客何有哉  
 駕周象今駢奔一鳴一止三龍精玲瓏七竅羅天星  
 莫邪出匣鏗有聲一鳴一止三龍精玲瓏七竅羅天星  
 魄龍頭高聳巔巔腹如巴蚌鳳非翼有客有客來西  
 象山渡青海飛龍灣陪道主登玉壇吹裂虎豹關  
 入爪甲冰雪寒號鬼母驚神肝一玉聲吹裂虎豹關



客有客來文山如金如錢堅非頑文山顏不可攀留爾  
亦足消群奸靜以安方以直帶蒼玉佩文石文星燦然  
守元默七星有客有客來赤城碧梧風裁光瓏玲音舍太  
古文平七星有客有客來赤城碧梧風裁光瓏玲音舍太  
和以平七星有客有客來赤城碧梧風裁光瓏玲音舍太  
古春風吹至今面肉凝如脂祖龍朽腐不足奇和風白  
活年枚

春夜樂

月落蔥海崑崙紅陰山細火銜燭龍東家照夜千枝蠟蛾

眉象口頰螺甲朱唇玉面分割烹嘈嘈青絲瀉銀鑿蠻奴

把酒掌心行座中俊客忌斷纓雙箏手語鳳皇柱彈得新

聲奉恩主朝惺惺來夢妬婦水遠神仙吹海雨

涼州異物志蔥嶺水分流東西入大海東為河源李  
白詩天外飛霜下蔥海山海經西北海之外有章尾山

其神入面蛇身其瞑乃晦其視乃明名曰燭龍楚詞天  
問曰安不到燭龍何照簡文帝看燈賦蘓微安息蠟出  
龍川杜甫臘日詩翠管銀罌下碧霄史記滑稽傳淳于  
髡仰天大笑冠纓索絕又說苑楚莊賜群臣酒日暮燭  
滅有引美人之衣者王曰賜人酒使醉失禮奈何顯婦  
人之節而辱士乎乃命皆絕其纓然後舉燭並叅古  
樂府手語出朱絃心聲守丹府注彈鳴箏謂之手語李白  
詩佳人當窻弄白日絃將手語彈鳴箏魏文帝詩秦箏  
發新聲唐書狄仁傑傳高宗幸汾陽宮為知頓使并州  
長史李冲元以道出如女祠盛服遇者必致風雨之變  
發卒數萬人改馳道仁傑曰天子之行風伯清塵雨師  
洒道何避妬女耶許渾詩江雲帶日秋猶熱海雨隨風  
夏亦寒蘓軾舟行次清遠縣詩江  
雲漠漠桂花濕海雨脩脩荔子然

老客婦謡一作鍼

老客婦老客婦行年七十又一九一作鍼線婦鍼線婦少

年嫁夫甚分明夫死猶存舊箕帚南山阿妹北山姨勸我



子一作再嫁我力辭涉江水一作采蓮上山采藤一作采蓮采

靡一作采蓮可以療飢夜來道一作日偶過娼閭一作門首娼一作

閭門蕭蕭一作然驚一作老醜老醜自有能養身一作自有能

萬兩黃金在織手上天織得一作雲錦章繡成願補一作元繡

舜衣裳舜衣裳為一作妾佩一作古意一作揚清光辨妾

不是邯鄲娼元詩選注明大祖初即位遣翰林詹同奉幣微維禎維

禎賦此詩同為作老婦傳史記呂不韋傳不韋取邯鄲

諸姬絕好善舞者與居古樂府相逢行堂上置樽酒作使邯鄲娼

元夕與婦飲

問夜夜何其睽茲燈火夕月出屋東頭照見琴與冊老婦

紀節序清夜羅酒席左蠻舞裊裊右瓊歌昔昔婦起勸我

酒壽我歲千百仰唾天上蛛誓作酒中醜勸君飲此酒呼

月為酒客婦言自可聽為之浮大白老婦曰人言天孫思

知昇婦相棄以薛昌若織女相望以久之愈也樂苑昔昔鹽羽調曲昔一作析

無憂之樂

君有身外憂烏有胸中樂我憂隔亭障其樂在囊橐取之

不能窮用之不能穀蹠蹠莫能攘王公莫我角乃知楊氏

婦婦言賢比郭吾將樂吾樂豈期相唯喏

轂音覺盡也史記不穀於此蹠盜蹠也蹠莊蹠楚之大盜也韓詩外傳楚莊王聘比郭先生先生曰臣有箕帚



之婦願入計之即謂婦楚欲以我為相何如婦曰結馬  
列騎所安不過容膝食前方丈所甘不過一肉子出而  
殉楚國之憂可乎  
於是遂不應聘

上陵者篇

步出城西關松柏鬱盤盤道逢上陵者手指西陵田借問

葬者誰大將葬衣冠大將非戰死軍中答刺罕健兒喙人

鮓無骨賜桐棺

漢短簫鏡歌二十二曲有上陵樂府原題漢章帝元和  
三年帝自作詩四篇一曰思齊姚黃二曰六麒麟三曰  
竭肅離四曰陟岵與鹿鳴承元氣二曲為宗廟食舉又  
以重來上陵二曲合八曲為上陵食舉據此所言則上  
陵自是八曲之一名或作於章帝之前亦不可知蓋因  
上陵而為之也此蓋借古題以賦所見耳元史燕鐵木  
兒儔兩都平加燕錢木兒以答刺罕之號使其世子  
孫襲之伯顏傳詔諭天下用國初故事賜伯顏以答刺

罕之號俾世襲之順帝紀詔賜脫脫答刺罕之號俾世  
襲之喙同啖談上聲食也鮓側馬切查上聲以鹽米釀  
魚為菹熟而食之也

問生靈

金椎碎銅仙大窑燒石佛天子問生靈生靈消鬼卒天上

光明光無屋照突兀願照屋下坎再照坎中骨

後漢書劉焉傳張魯字公旗初祖父陵順帝時客於蜀  
學道鳴鶴山中造作符書以惑百姓受其道者輒出米  
五斗故謂之米賊陵傳子衡衡傳於魯魯遂  
自號君師其來學者初名為鬼卒後號祭酒

四星謠

西星白東星黃南星雁北星狼赤燦不敢怒威靈不敢仰  
招拒不敢拒叶光不敢抗况爾羅睺曜白午奸太陽太陽



剝未復光黃道日偃偃太山有巨靈目覩哭扶桑手取甘  
泉水為日洗重光明堂亮泰階平旁叶黃白泡滅雁狼燐

五經通義天神之大者曰昊天上帝即耀魄寶其佐曰五帝東方青帝威靈仰南方赤帝赤嫫怒西方白帝白招拒北方黑帝叶光紀中央黃帝含樞紐吳萊集羅睺火之餘也應劭漢官儀太山東南名曰日觀雞鳴時見日山海經東南海之外甘泉之間有義和國有女子名義和為帝俊之妻是生十日常浴日於甘泉郭璞注義和能生日故日為義和之子堯因是立義和之官以主四時星經明堂三星在太微西南角外天子布政之官也又三台為天階太一躡以上

槐槍謠

槐槍星夜夜西伴長庚明煌煌火龍東未升槐槍經天掩  
陽精李淄青胡不庭陽谷倒戈太行假兵槐槍夜半雨血

齊城金雞嗒嗒東方明

爾雅彗星為槐槍注彗亦謂之孛言其形孛孛如掃彗考要太白一名明星晨出東方為啟明昏見西方為長庚詩曰東有啟明西有長庚是也蓋太白附日而行日一出則謂之啟明啟開也日既入則謂之長庚庚續也助日之明故謂之明星淮南子積陽之氣生火火之氣精為日唐書藩鎮傳淄青李師古四世阻命劉禹錫詩有平齊行

吳山謠

中原四日一日東東山草木無金風良精重起大小嶽此  
是趙家天柱峯天柱裂地維缺老檜不遮三箭血

西湖遊覽志天目為杭州諸山之宗翔舞而東結局於鳳凰山其支山左折遂為吳山宋元通鑑建炎元年閣門宣贊舍人曹勛以上皇手書至自金時上皇在燕山謂勛曰我夢四日並出此中原爭立之象不知中原之



民尚肯推戴康王否又李綱罷車駕遂東又建炎三年二月壬戌帝駐蹕杭州雲麓漫鈔政和五年東都築土山於景龍門之側以象餘杭之鳳凰山後神降有良嶽排空神運昭功封磐固侯亦名鳳凰山且曰萬歲山所謂餘杭之鳳凰山即今臨安府麗正門之正面按山上有天柱宮及錢王郊壇盡處即嘉會門山勢自西北來如龍翔鳳舞掀騰而下至鳳凰山止山分左右翼大內在山之左腋後有山包之第包即朝天門瑞誠殿在太廟第包即執政府包盡處為朝第包即易安齋之右腋後有山包之第包即郊壇第包即易安齋第包即馬院東南皆大江為西湖北臨平湖地險且壯實為一都會其兆先見於東都為山之時

折逃屋

折逃屋屋基生秬黍農拔穰黍投礫與鵠五種不敢入土孔謙竿尺到田所

按逃屋謂逃亡之屋折謂折算也聶夷中傷田家詩二月賣新絲五月糶新穀醫得眼前瘡剗却心頭肉我願君王心化作光明燭不照綺羅筵偏照逃亡屋五代史唐孔謙傳謙以聚歛為事制括田竿尺天下皆怨苦之

山鹿篇

山頭鹿距踉蹌上目瞳瞳上田租未了歷鹽租夫死亭官

杓頭杖夫死捉少妻拷妻折髀不能啼妻投河作河婦獄

丁捉白頭母

呂氏春秋晏子曰鹿生於山而命懸於厨今嬰之命有所懸矣髀音科膝骨也

鐵城謠

張司業有築城詞嫌其嘽緩無沉痛迫切之警今

補之



蒸土築城城上鐵北風一夜吹作雪君不見銅駝關外鐵  
 甕堆中填白骨外塗血鬪虜作聲穿鬼穴銅駝崩鐵甕裂  
崔鴻北京錄酒泉郡南有銅駝山言鹵犯者必大雨雪  
 沮渠蒙遜遣工取之得銅數萬斤博雅頭顱謂之鬪虜  
 張籍築城詞築城處千人萬人齊抱杵重重土堅試行  
 錐軍吏執鞭催作遲來時一年深磧裏看盡短衣渴無  
 水力盡不得拋杵聲杵聲未盡人皆死  
 家家養男當門戶今日作君城下土

杵歌

亟亟城城亟成小兒齊唱杵歌聲杵歌傳作睢陽曲中  
 有哭聲能陷城疊疊石石石嶽嶽立竿作表齊竿旄阿誰  
 造得雲梯子剗地過城百尺高

石郎詞

石三郎十丈長石印生文章天下太平今適當加印綬石  
 三郎白髮夫人黃衣裳

按石郎即冢間石人也始皇紀秦置郎中令其官屬有  
 三署郎注中郎外郎散郎徐廣晉紀鄱陽歷陵縣有山  
 臨江岩穿似印時人謂石印已發皓遣使者以太牢致  
 祭石林燕語米芾見立石頗奇遂命取袍笏拜之每呼  
 曰石

石郎謠

南山石郎隱蓬顆將軍遠適南山下彎弓射石石郎怒生  
 火石郎告將軍糊載汝髀蟻穿汝髀家有鬼妻既有鬼馬  
 不知石郎長年者長年者石馬載郎不稱殤石婦望郎不  
 稱寡



顆科上聲土塊也達顆謂塊上生蓬漢書賈山傳後世  
曾不得蓬顆蔽塚而託葬馬杜甫詩鬼妾與鬼馬色悲  
充爾娛注謂已殺其主而奪之故謂之鬼妾鬼馬如勾  
奴以亡者之妻為鬼妻也又誰是長年者西京雜記陳  
縞見張丞相墓前石馬謂為鹿也即以斧掘之斧缺  
柯折石馬不傷杜甫詩故物獨石馬石婦望夫石也

佛郎國新貢天馬歌

千金骨五花毛虎脊龍鬚尾蒲梢神如飛龍氣如虎初來

燉煌祁山之遠郊雙鶴迸落獨鶻起直欲追飛鶻疑缺天

駟精青海傑羈黃金絡明月未栖天子十二閑孰得人間

貯金埒嗚呼渥洼之產寧徒勞圖形已詔韓與曹伯樂光

寒夜寥寥青鶴一聲箕尾高

戰國策燕昭王使涓人齎千金市千里馬於絕域至而  
死市其骨而還杜甫驄馬行五花散作雲滿身謂毛色

也李燾馬賦龍顯而鳳膺虎脊而豹章漢書地理志有  
燉煌郡又霍去病以驃騎將軍擊匈奴至祁連山天官  
書房為府曰天驄因生驄馬日行千里李白詩羈金絡  
得波斯馬放入海因生驄馬日行千里李白詩羈金絡  
月照皇都古樂府黃金絡馬頭莊子齊之以月題陸德  
明注月題馬額上當顯如月形者也周禮天子十有二  
閑馬六種晉書王武子好馬買地試馬謂之金埒漢書  
元鼎四年馬生渥洼水中上作天馬之歌杜甫詩渥洼  
驥驥兒尤異是虎脊名畫記曹霸天寶末詔寫御馬又  
韓幹鞍馬初師曹霸後獨自擅元宗好大馬西域大宛  
歲有來獻者命韓幹悉圖其駿陸德明莊子音義伯樂  
姓孫名陽善馭馬石氏星經云伯樂天星名主典天馬  
故孫陽善馭以為名

浴官馬

君不見達官馬五馬一馬驄花繭一突騎當街折其衝達  
官請下馬墮在泥水中馬前銅帽子什什不能雄又不見



將軍馬天閑八尺龍金甲鎖匣匣玉轡搖瓏璵羽林萬猛  
士後距而前鋒望敵未及戰退陷大澤泓野人烹馬食食  
馬如食縱小臣泣弓劍八駿起悲風

杜甫詩細看六印帶官字唐六典諸牧監凡在牧之馬  
皆印印右膊以小官字元史世祖中統四年設群牧所  
又馬之群或千百或三五十左股烙以官字號大印子  
馬杜甫詩使君五馬一馬驄廣韻驄馬青白色周禮馬  
八尺以上為龍蔡琰詩金甲耀日光杜甫詩馬頭金匣  
匣韻會匣匝周繞貌言金絡馬頭其狀密匝也匣過合  
切庵入聲匝作答切答入聲杜甫詩先帝子劍遠小臣  
餘此心又朝享太廟賦弓劍皆鳴汗鑄金之風馬李白  
詩軒轅去時有弓劍漢郊祀志黃帝鑄鼎於荆山下鼎  
既成有龍垂胡髯下迎帝騎龍上天餘小臣不得上乃  
悉持龍髯髯拔弓墮乃抱其弓與龍髯號因名其處曰  
鼎湖其弓曰烏蹄水經注黃帝崩惟子存焉故世稱黃  
帝仙矣列仙傳黃帝葬橋山崩空棺無尸惟劍烏在  
馬按杜詩君不見金粟堆前松柏裏龍媒去盡鳥呼風

結語意亦如此

### 桃花犬

諸暨吳義士銓家畜犬犬病踣兼旬不起犬有子  
能銜食哺母不離母左右昔聞桃花有鼎湖號弓  
之義令爾犬又仁孝若是銓自王大父宗元五世  
孝慈犬之仁孝其瑞應也為賦桃花犬歌繼古樂

### 府

昔桃花孝犬聞天家今桃花生子在吳家桃花子母病踣  
不起三子纍纍若悲啼有一子啣食哺母母食之始出馳  
一去復一來眠母左右不一離吳老人壽期頤五葉孫斑



爛衣門前荆樹不分枝。柱下並蒂生靈芝。吳家孝慈及草木。况爾桃花為有知。喔喔梟獍兒。泥塗我宮室。蕩裂我四維。風俗日壞壞不支。歌桃花作家慶。吳家兒當執政。桃花牲牲化梟獍。

宋濂吳府君墓碑府君年八十有八字長卿諱宗元教子母析居有犬病足其子啣食哺之犬得不死文人競為歌詩美之紹興府志元順帝至正間諸暨吳銓家犬病啣子啣食哺之及死埋山下有花開如白鳳仙人呼孝犬又呼桃花犬按吳老人謂宗元銓宗元孫也類纂淳化中羅江貢桃花犬李程作歌漢書郊祀志梟鳥名食母破鏡獸名食父

借南狸

此題亦本唐人苦哉行有曰彼鼠侵我厨縱狸受

梁肉鼠既為君却狸食日須足狸又異於是矣

北狸不捕鼠為鼠欺鼠作妖句人立豕啼媪責狸不職借

南狸假虎威鼠未捕翻我屋上瓦倒我厨中盆與壘叶食

飽求媪雌雄匹之咋死媪狸與鼠同嬉嗚呼媪小不忍大

禍遺

狸同狸類纂莊子謂猫為狸黃庭堅謝送猫詩養得狸奴立戰功又乞猫詩聞道狸奴將教子狸奴猫也左傳齊侯田於貝邱見大豕從者曰公子彭生也公怒射之豕人立而啼史記江乙謂楚王曰狐假虎威

雀勞利

雨雪霏霏積墊與坻百鳥取食不見穀與糜雀勞利嘴長一尺錐斷冰破雪下及泥嗟爾短嘴空受饑



沈約雀勞利歌雨雪霏霏雀勞利長嘴飽滿短嘴饑

夫人鳥

夫人鳥飛入丈人廬  
眈眈鳴坐隅  
國人恠爾鳥  
告凶不告喜  
夫人愛爾鳥  
獻忠不獻諛  
命爾曰忠鳥  
爾噪介推屋  
介推不受祿  
爾噪慕容城  
慕容危受兵  
維北有鷄嘴  
不啄惡維南有豸  
角不觸罪  
永言忠鳥  
誓死直弗諛  
展矣夫人克剛克仁  
惟剛惟仁  
下有直臣  
惟直臣是容  
人莫不賴我又曷凶  
君子作詩  
惟以告忠

杜甫詩丈人屋上烏人好鳥亦好劉向說苑太史謂武王曰愛其人兼屋上之鳥孔叢子愛屋及鳥事文類聚昔時聞鵲聲者則喜以為報吉聞鴉聲則唾而逐之此雖俗事然亦屢有驗者拾遺記晉文公燒山求子推子

推抱樹有一白鳥從烟蔽之推死文公為之斷火一月

聽鶯曲

紫騮踏花雲滿足  
南陌東阡日馳逐  
不如幽谷黃衣郎  
好音綿蠻出深木  
鄰家女兒愁別離  
楊花却傍珠簾飛  
樓前関山人未歸  
奈何奈何啼黃鸝

開元遺事明皇於禁苑中見黃鸝呼為金衣公子又呼為紅樹歌童詩出自幽谷遷于喬木又睨睨黃鳥載好其音又綿蠻黃鳥止于邱隅

祠蠶姑火龍詞

余嘗論蠶有六德  
衣被天下  
生靈仁也  
食其食死其死  
以答主恩義也  
身不辭湯火之厄  
忠也必三



眠三起而熟信也象物以成繭色必尚黃素智也  
繭而蛹蛹而蛾蛾復卵而繭神也此六德也人靈  
為保蟲之長食君之食衣君之衣乃有腹生靈之  
膏賣君父之國卒不得其死者其不愧火龍乎因

賦火龍詞四章補樂府之缺

火之龍兮雲弗從雨弗降叶三眠始三眠終

蠶書蠶為龍精日值大火則浴其種李白詩吳地桑葉  
綠三眠蠶正熟辛癸雜志蠶足於葉三俯三起二十七

日而蠶老

其二

火之龍兮桑以鞅絲以腹繭以屋象水火兮以金以玉

荀卿蠶賦三俯三起食桑而吐絲王  
建蠶簇詞蠶欲老箔頭作繭絲皓皓

其三

火之龍兮蛹以蛾蛾以卵卵復化叶龍之神兮實多惟龍

之神兮有大功於人又殺身以成仁狗道而忠益信

博物志蛹者蠶之所化蛾者蛹之所  
化古今注蠶為繭繭生蛾蛾生卵

其四

火之龍兮其節甚高彼糜爵者誰兮生寵死則逃剥民之  
膏粥人之國而死與叛鬼曹火龍德德可褒

樓 淮青浦校



鐵厓逸編註卷之四

目錄

鳳凰石

遊虎邱

泊山塘橋

泛震澤

蓮花埭歌

海塘

洞天謠

素雲引

秋霜帕

大樹歌

藏書樓

湖光山色樓

芝雲堂分韻

六客亭分題

孤憤一章

和楊孟載



紅酒歌

華陽巾歌

紅牙管歌

輦婆引

玉蓮曲

晚蘭詞

蹋鞠歌

六樹歌

同天篇

素雲傳

重游長橋

幽賦

白山賦

寄與

鳳凰石

遊

目錄

鐵崖遺編卷之四

鐵崖逸編註卷之四

諸暨楊維禎廉夫著

同邑後學樓小瀾西濱註

李廷槐天植訂

陳宗器紹先訂

鳳凰石

至正辛丑花朝前三日余偕華藏月亭登玉峯頂

一醉坐鳳凰石月亭索賦詩為課十有四韻

大瀛浴火鳥滅沒失倒景玉龍挾之飛脫落疊浪頂根從

太始并勢與華嵩並琅實既克脰玉距猶在礦馬爭濫瀨

堆龜讓天梯餅神人不敢鞭怒啄欲成瘦遷輕岐陽鼓扛



重鳥獲鼎坐寒彭蠡磯沈怯景陽井表突月支頭劍磨嚴  
顏頸秦女寧受跨晉士豈容醒仄歷五十劫金鎖八千頃  
未知金帶恩遠却白羽影會當鳴朝陽即都有奇警巨手

一拍飛欽師許誰請

史記中國外如赤縣神州者九乃有大瀛海環其外淮南子日中有跋鳥又爰息六螭注六螭即六龍也日乘車駕以六龍又南方有鳥名為鳳天為生實其樹名瓊枝以瓊琳琅玕為實論摘表聖鳳距銳鈞荆州記灑灑灑如馬瞿塘莫下灑灑灑如象瞿塘莫上星經天適五星南漢中李白蜀道難地崩山摧壯士死然後天梯石棧相鈎連三齊畧秦始皇作石橋於海上欲遇海看日出處有神人驅石去不速神人鞭之皆流血今石橋皆赤色也韓愈開雜聯句怒瘦爭碾磊歐陽修集古錄石鼓文在岐陽今在鳳翔縣孔子廟帝王世說秦武王好多力之士烏獲之徒皆歸焉秦王於洛陽舉周鼎烏獲兩目血出圖經昔有星墜水化為石當彭蠡湖中俗呼為落

星灣細目質實景陽殿在應天府上元縣治東北五里臺城內井即景陽井漢書匈奴破月氏王以其頭為飲器蜀志劉璋使嚴顏守巴郡為張飛所擒顏曰有斬頭將軍無降將軍飛怒命斬之顏色不變曰斫頭便斫何怒耶飛壯而釋之列仙傳弄玉吹簫作鳳聲一日隨鳳飛去顏延之五君詠攀嵇亦鳳舉論摘表聖鳳飛鳴曰

遊虎邱與句曲張貞居遂昌鄭明德毘陵倪元鎮各

追和東坡留題石壁詩韻

漾舟海湧西坡陔緣素嶺陟彼闔閭邱俯瞰千尺井至今

井中龍上應星耿耿居然辟歷飛殘腥洗蛙黽已知湛盧

精古憤裂幽礦肯隨魚腸逆寒鋒助殘猛後來入郢功勇

志亦馳騁丹臺納嫵娟金鎚碎骨鯁坐令金精氣龍虎散



俄頃花凝鐵壁堅木根去山骨冷何哉幽獨魂白日歌夜  
永我從陶朱來青山異風景豈無西家兒池頭弄風影五

湖尚浮桴烟波不須請

輟耕錄道士張伯雨號句曲外史又號貞居西湖竹枝  
集鄭元祐字明德遂昌人倪瓚字元鎮毘陵人吳地記  
虎邱山原名海湧山越絕書闔閭冢在閭門外吳地以盤  
邱魚腸之劍葬三日白虎踞其上諸魚腸三尺之劍葬三  
閭葬於國西北海湧山以專諸魚腸三尺之劍葬三  
日金精上浮化為白虎躡其上故曰虎邱又越王允常  
赤之魚腸薛燭曰倒本從末逆理之劍也示之湛盧薛  
燭曰善哉銜金鐵之英吐銀錫之精可以折衝伐敵人  
君有違謀則去之他國允常以湛盧獻吳公子光弑  
吳主僚湛盧去如楚左傳二師陳於柏舉楚師亂吳師  
大敗之五戰及鄢納媿娟謂西子碎  
骨鯁謂子胥五湖浮桴謂范蠡也

二月十二日玉山人買百花船泊山塘橋下呼瓊花

翠屏二姬招余與張渥叔厚于立彥成游虎阜俄

而雪霰交作未果此行先以此詩寫寄就要諸公

各和

百華樓船高八柱主人春游約春渚山塘橋下風兼雨正

值灌壇西海婦桃花街口小蠻娘腰身楊柳隨風揚翡翠

屏深未肯出蹋歌直待踏春陽喜聞晴語聲谷谷明朝豫

作花游曲小蠻約伴合吹笙解調江南有子鵲

西湖竹枝集張渥字叔厚淮南人于立字彥成號虛白  
子南康之廬山人茹昂重斬虎邱志山塘蓋多積水少  
傳白公築之民始免病涉之勞又名白公堤博物志太  
公為灌壇令武王夢婦人當道夜哭問之曰吾是東海  
神女嫁於西海神童今灌壇令當道廢我行我行必有  
大風雨而太公有德吾不敢以暴風雨過是毀君德武



王明日台太公三日三夜果有疾風暴雨從太公邑外  
 過李賀有花游曲序寒食日諸王妓游賀入座因採梁  
 簡文詩調賦花游曲與妓彈唱文獻  
 通考唐于鵠與張籍同時未詳何人

乙酉四月二日與蔣桂軒伯仲諸友同泛震澤大小

雷望洞庭之峯吹笛飲酒乘月而歸蓋不異老杜

坡仙游漢陂赤壁也舟中各賦詩余賦二十韻為

首唱

江國春歸夏云孟十日五日風雨橫具區擺盪浪如山吳

兒善泅并敢榜今朝氣候昨不同湖頭無雨兼無風小施

祠前棹歌發樓船下水如游龍大雷不動小雷伏銀海空

青光奪目魚龍百恠暫被除平展輕綃三百幅牙樯五兩

空中舉陳瀆村中遇搗鼓燒筍既憇彭城灣采蓴復渡楊

家浦中流颺發占莫搖須臾鯨浪吼蒲牢長年換柁稱好

手小腰失箸生寒毛蔣家二仲素竒士更有登高羊叔子

老崖鐵笛上青雲玉龍穿空卷秋水船頭可奈風水何拔

劍擬斫生蛟鼉人生哀樂固相半神靈涉意毋過多鷓夷

入海人不識漁媪漁王配寒食鄉里小兒舞竹枝乞與神

童舞銅狄我聞洞庭之峯其橋大如斗剖而食之見奕叟

弱水不隔天表流獨我胡為牛馬走五湖挂席從此首

西湖竹枝集蔣克勤字德敏湖州長興人東湖書院其  
 家之義塾也杜甫詩有漢陂行長安志漢陂在鄠縣西

五里東坡有赤壁賦揚州記太湖一名震澤周禮東南  
 曰揚州其澤藪曰具區說文泗浮行水上也史記吳兒

或陸龜編主



善泗韻府榜進船也晉張載傳吳榜越船嘉興府志施  
府君廟一在縣西南六里一在縣北十五里府君名伯  
成九歲為神建立廟宇明初封護國鎮海侯水經注太  
湖有大雷小雷三山亦謂之三山湖又謂之洞庭湖兵  
書五兩侯風法以雞羽重八兩建五丈旗取羽繫其巔  
立軍容中白居易詩觀魚傍溢浦看竹入楊家自注浦  
西有楊侍郎宅多好竹南越志颶風具四方之風也張  
翥詩大鯨吹浪鼓颶風蒲牢見卷二昆陵行杜甫詩長  
年三老遙憐汝換柁開頭棹有祥二仲謂求仲羊仲也  
十道志羊祐常與從事鄒湛登峴山垂泣曰自有宇宙  
便有人悲傷我百年後魂魄猶當登此山也搜神記薊子  
訓與一老公摩娑銅狄人曰適見鑄此山已近五百歲陸  
游詩摩娑銅狄灞城秋搜神記巴郡人家橘園有二大  
橘如三斗盜剖開每橘有二叟  
象戲司馬遷書太史公牛馬走

蓮花埭歌

棟花風殘啼鴉一作規舌蓮花埭上春三月埭上女郎齊踏

歌輕衫白苧飄香雪青山深鎖薊家村使君艇子恰泊一作泊

當門門前滿樹櫻桃子手摘櫻桃招使君使君本是龍門

客身脫宮袍岸鳥憤何處江南最有情新買蓮花埭上宅

埭在太湖之西薊氏村埭  
或作埭山川峭絕處音斗

海塘

天吳蜚精衛啼娥江之北蛟門之西大禹東來朝會稽九

河一疏錫元圭二字三千歲桑田幾滄海泮水日橫流我

思訴真宰相門子葉大夫蒞政三月初海如瓠子決灩澦

趨紅濤黑浪爭吞屠元光白馬有祭壁羽山黃熊無玉書

蛟眼赤射日蚤民不寧居葉大夫海砥柱驅鬼鞭運神斧



五丁一力萬夫一語新甫取柏崑山取石金椎築土手鎖  
陽侯之咽脚踏支折之股玉繩永奠三萬六千尺陳公堤  
白公渠無足數石人夜語魯以仙河伯血面上訴天葉大  
夫回狂瀾障百川海不波石不穿河清海宴三千年

木華海賦天吳乍見而鬚鬚山海經朝陽之谷有神曰  
天吳是為水伯虎身人面八首八足八尾背青黃色又  
發鳩之山有鳥焉名曰精衛是炎帝之少女名曰女娃  
遊於東海溺而不返故常銜西山木石以湮東海名勝  
志曹娥江發自剡溪來東折而北至曹娥廟前名曹娥  
江又蛟門山在鎮海東海中約十五里一廟前名曹娥  
鎮海口吐納潮汐有蛟龍穴處時興颶風怪浪古稱蛟  
門虎蹲天設之險即此史記禹會江南計功名曰會稽  
會稽者會計也吳越春秋禹錫茅山以朝群臣乃大會  
計更名茅山曰會稽山書禹錫茅山以朝群臣乃大會  
天子應泣老子有真宰以制萬物史記河渠書河決瓠子  
天子自臨決河乃作歌曰瓠子決兮將奈何皓皓盱盱

兮問殫為河寰宇記灑灑堆在夔州之西蜀江中心夏  
水漲半沒冬水淺出二十餘丈神異經西海上有人焉  
乘白馬未鬣白衣元冠從十童子馳馬西海上如飛  
名曰河伯使者左傳昔堯殛鯀于羽山其神化為黃熊  
以入于羽淵實為夏郊三代祀之鯀徒宜切壇上聲南  
海夷種陸次雲尚谿織志蜚人以舟為宅瀕海而居其  
人目若青碧水經注澹臺子羽齋千金之璧渡河河伯  
欲之至陽侯波起兩蛟挾舟子羽曰吾可以義求不可  
以威劫捺劍斬蛟死波休乃投璧於河兵潰經禹治  
水獲無支析形如獼猴力踰九象命庚辰制之鎖於龜  
山之足淮水乃安漢書溝洫志趙中大夫白公奏穿渠  
引涇水首起谷口尾入櫟陽注渭中表二百里溉田四  
千五百餘頃名曰白渠民歌之曰田於何所池陽谷口  
鄭國在前白渠起後舉雨為雲決渠為雨涇水一石其  
泥數斗且溉且糞長我禾黍衣食京師億萬之口言此  
兩渠饒也名臣言行錄河決滑州陳堯佐作堤以殺水  
勢又為長隄以護其外滑州日不可使後人忘我公號  
為陳公堤抱朴子馮夷以八月月上庚日渡河溺死天帝  
署為河伯



洞天謠

四明山二百八十青潺顏。天空四牖金鴉玉螭兩出沒。是為三十六洞之九。別有丹山赤水非人間。我夢仙人賀狂客。云訪雲翹子。孤峯頂上登大蘭。下見洪濤滾日車。軸大龍光蜃景雜。逕翻瀾漫。上有桃花美人者。殺龜腦脯麟肝。令我食之生羽翰。路逢茅先生。一笑今與古。赤王之鳥墮地化為石。我一叱之力厭虎。潮飛大士洞水門。風析祖龍橋石柱。赤王之鳥何足追。下窮地脉上天維。鐵船徑度弱水羽。火劍欲斫扶桑樹。茅先生。茅仙後。千春曾醉廬山酒。酒醒騎虎却入終南山。笑呼彩鸞下招手。石田玉子大如斗。

斗

名山洞天福地記。四明山周圍一百八十里。名丹山赤水。水之天在明州寧波府志。四明山發自天台。屹峙於郡。治之坤隅。上有二百八十峯。綿亘明越。三州之境。為三十六洞天之一。丹山洞天圖咏。集木元虛云。天下洞。天三百八十有六。四明第九。其號曰丹山赤水。是也。按山周。遇雲南曰雲南。北曰雲北。隴行三十里。有峯曰雲根。石。屋有瀑布如懸。河旁曰潺湲。洞後漢劉綱為上虞令。棄官。同妻樊雲翹居洞側。得仙術。上昇後人立祠奉祀。有。榭曰樊榭。唐書賀知章字季真。性曠夷。晚尤誕放。自號。四明狂客。又賀知章天寶初病。夢遊帝君數日。寤乃請。為道士還鄉里。詔許之。施宿會稽志。大蘭山在餘姚縣。南八十里。相傳漢劉綱夫婦於此。去延祐四明志。桃。花坑山在四明山上。二里。雲之南也。岩壁立。數仞。延表數百里。岩色紅白。相間。狀如桃花。發故名。神。仙傳。魯女生絕穀八十餘年。日少壯。色如初。發抱朴子。安期生賣藥海邊。始皇異之。賜以金璧。安期生去而置。之於阜鄉亭。以赤玉鳥為報。留書曰。後千歲求我於蓬。

或至更編注

六

金屋

卷四

六



萊山三齊記秦始皇造石橋入海歌過海觀日出處有神人為之驅石類林吳彩鸞猛之女一日遇書生文箫於道竟許成婚箫貧不自給鸞寫唐韵日得一部獲金五緡盡則復寫如是十年各跨一虎陟峯巒而去

素雲引為元霜公子賦元霜瑣溪呂氏月臺名也

清河美人姑射神夢中認得梨花雲朝朝暮暮不肯雨瑤

枝玉葉光輪困艷妝不染臙脂水輕歌欲遏鸞笙起五花

細馬馱春風羅帶飄飄白鷗尾柔情易逐綠雲空半掩一作

卷春一作青衣嘶玉龍九點峯前指歸路家住松陵東復東

桃葉桃根春已暮又逐飛花度江去梨園昨夜春雨多回

首孤飛在何處何處孤飛去復來直是元霜百尺臺

真誥真人行則扶華晨蓋乘三素之雲修真入道秘言以立春日清明北望有紫綠白雲為三元君三素飛雲

也酉陽雜俎長白山有夫人墓魏清河崔羅什被徵見朱門甲第青衣出見什曰女郎須見什下馬入門青衣引前曰女郎乃劉府中之妻侍中吳質之女什前就坐其女東戶立與叙寒温言訖辭出什留簪女以指環贈行數步回視乃一大冢也莊子藐姑射之山有神人居焉王建夢看梨花雲歌薄落路不分夢中喚作梨花雲史記黃帝與蚩尤戰於涿鹿之野常有五色雲氣金枝玉葉止於帝上又郁郁紛紛蕭索輪囷是謂慶雲李白詩兩白玉童雙吹紫鸞笙元影忽不見迴風送去聲又吳姬十五細馬馱李賀詩遙望齊州九點烟又家住錢塘東復東古今樂錄晉王獻之愛妾名桃葉妹曰桃根獻之嘗臨渡作歌以送之曰桃葉復桃葉江不用楫但渡無所苦我自來迎接又曰桃葉復桃葉

棹葉連根但渡無所苦我自來迎接又曰桃葉復桃葉棹葉連根但渡無所苦我自來迎接又曰桃葉復桃葉

漿百感生元霜換盡見雲英藍橋自是神仙窟何必區區上王京

秋霜帕

烏絲欄裏雙鴛鴦紅啼碧唾薰餘香天孫織就元錦裳莫

裁

裁

裁

裁

裁

裁



將風雨妬蘭娘

鹿情集賈知微遇曾城夫人杜蘭香以秋雲羅帕畏丹  
五十粒與生曰此羅是織女玉蘭織成後大雷雨失帕  
所在唐蔣防霍小玉傳李生名益自矜風調小玉出越  
州姬烏絲欄素段三尺授李生生援筆成章墉城仙錄  
杜蘭香降洞庭包山張碩家授以舉形飛化之道碩亦  
得仙初降時留玉簡玉唾孟紅大浣布以為登真之信  
焉考要織女亦名天孫蕪東坡詩天孫為織雲錦裳杜  
蘭香別傳杜蘭香降張碩家碩妻無子娶妾妻妬不已  
碩謂香如此云何香曰此易治耳言畢而妻患創委頓  
碩曰妻將死如何曰此創所以治妬創已亦當瘥數日  
之間創愈而妻無  
妬心遂生數子

大樹歌為馮困如賦

東柯溪頭三大樹水深土厚崖石牢一株石茶榮冬蔦紅  
若火鏡鎔冰濤兩株老檜挺霜幹青如連弁翹雙鬣不知

人間富貴植青紫草亡木卒紛如毛漢家根株歷千歲當

時大將誇人豪只今子孫仗大義昧死尚薄巾車勞三槐

風雲慶有待缺一字荆湯火死已逃金鴉倒立海底景白鳳

夜燄風中膏蟠柯骨露黑石虎奇幹手接蒼山孫惡氛西

起白日翳恍惚大將排旌旄東柯東柯濟時具豈無兵家

文武韜摩挲大樹日酣卧不肯即偽從韃纛始知后皇受

命乞獨正神明扶植冰霜捺我來飲我中山醪脫巾挂樹

三花高大槐太守夢楚國大梅美人臨漢臯大榭老雄侍

我酒長筇亦即金絲槽醉歌寫入嘉樹傳竊比橘頌騷人



漢書馮異傳諸將並坐論功異常獨屏樹下軍中號大  
樹將軍言行錄王祐手植三槐堂銘韓愈詩金鴉既騰  
三公者已而果然東坡有鳳謂之鶴洞冥記帝常得丹  
蕭六合俄清新禽經白鳳為肩以蕪油和之照於神壇  
之髓白鳳之膏磨青錫于芬飲槐下醉卧夢二使曰槐  
暴雨光不滅異聞錄淳于安國王曰南柯郡不理屈卿  
安國奉邀入穴中曰大槐穴可容一榻有二大蟻乃王  
為守累日達郡寤尋槐下穴可容一榻有二大蟻乃王  
也六直南枝即南柯郡大梅美人見卷七和呂希顏大  
榭缺杜甫詩更尋嘉樹傳左傳季有嘉樹宣子譽之武  
曰宿敢不封殖此樹楚詞  
橘頌后皇嘉植橘徠服兮

藏書樓

戴顯溪上藏吾舟三十六曲鏘鳴球濯足太白雙龍湫名  
山要湏瞻沃洲沃洲之陽溪上游著此一所張家樓簾捲  
爽氣天姥曉倚闌秀色蓮花秋張家之樓無百尺夜夜虹

光射東壁中藏異書三十乘太史東來殊未識城中瓊樓  
高五城吳歛楚舞填峻嶒一錢不直兔園冊一丁不識黃  
金籬樓中主人計誠左遺安遺危各在我韋門奕葉有光  
價鄙鳩何人徒賈禍樓頭校書腹便便眼中松楸手遺編  
前年燎黃光九原書中始識兒孫賢却問瓊樓金玉貯還  
有美人化黃土君不見魏家高樓何足數誰復西陵護歌  
舞

紹興府志藏書樓在嵎縣西三十里東湖山元處士張  
煥建張煥嵎人自以家世宋臣絕意仕進作休休吟以  
見志自號莘疇居士太平寰宇記剡溪即王子猷雪夜  
訪戴逵之所亦名戴溪會稽志剡山北有戴顯墓宋書  
戴顯傳字仲若譙郡鉅人父逵兄勃並隱遁有高名故  
世居剡下名勝志太白山在嵎縣西七十里絕高者為



太白次為小白面東者為西白面西者為東白在東陽者為北白刻錄云峻極崔巍吐雲納景趙廣信昇仙處也石筍對立如闕瀑泉飛下施宿會稽志沃洲山在新昌縣東三十二里晉帛道猷竺法深支遁皆居之戴許王謝十八人與之遊號為勝會山有養馬坡放鶴峯皆因支遁得名洞天福地記第十二福地沃洲山在剡縣南太平寰宇記天姥在越州剡縣南八十里張說詩東壁圖書府史記自序上會稽探禹穴楚詞招魂吳歛蔡謳奏大呂此史記魏其侯列傳生平毀程不識不直一錢按漢書梁孝王有園名兔園孝王卒景帝以其園與民耕種置官籍租稅供祭祀其簿籍皆俚語故田夫牧子所誦曰兔園冊訊其詞鄙也唐張宏靖曰爾肯挽兩石弓不如識一丁字後漢書逸民傅龐公者南郡襄陽人也荆州刺史劉表數延請不能屈釋耕於壟上而妻人子耘於前表指而問曰先生苦居畝畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未為無所遺也漢書韋賢兼通禮尚書以詩教授號稱鄒魯大儒七十餘為相少子元成復以明經歷位至丞相鄒魯諺曰遺子黃金滿籬不如一經後漢書董卓傳卓築塢於郿號萬歲塢積穀為三年儲自云事成雄據天下不成守此足以畢老後漢書文苑傳邊韶字孝先曾晝日假寐弟子私嘲之曰邊孝先腹便便懶讀書但欲眠韶潛聞之應時對曰邊為姓孝為字腹便便五經笥但欲眠思經事寐與周公通夢靜與孔子同意師而可嘲出何典記魏家高樓謂銅雀臺也

湖光山色樓

仙家十二樓俯瞰芙蓉渚象田耕玉烟龍氣生珠雨鳳麟遠水接空濛小瀛夜折蓬菜股蘭臺美人能楚語十三雁急孤鸞舞仙人醉騎黃鶴來酣揮落日使倒迴剪取瑤田一稜歸滿天鐵笛走春雷

按十洲記水經注俱言崑崙天墉城有金臺五所玉樓十二郊祀志亦言五城十二樓仙家所居也李商隱詩滄海月明珠有淚藍田日暖玉生烟張子野咏箏雁柱十三絃抱朴子鸞鳥聞樂則蹈節而舞湖廣通志黃鶴



樓世傳仙人乘黃鶴過此因名淮南子魯陽公與韓戰戰酣日暮援戈而揮之日為之反三舍十洲記祖洲有不死之草生瑤田或名養神芝其葉似菰苗叢生一株可活一人

芝雲堂分韻得對字

窮冬積繁陰快雨不破塊問途玉山下繫船桃花匯主人  
聞客來把酒欣相徠窈窕雙歌聲嬋娟兩眉黛談笑方云  
云妍媸各成態憶昔獻策時目炯重瞳對下馬宴瑤林宮  
花出西內俯仰三十年同袍幾人在明當理舟行天遠征  
鴻背那能事煩劇曉出星猶戴行當謝冠冕歸荷一作山  
陽表

韓詩外傳子賤在單父身不下堂鳴琴而治既巫馬期亦宰單父以星出以星入日夜不處以身親之而單父

治亦

六客亭分題送趙季文知事湖州

秋水城下碧秋山城上青水晶出宮闕雲氣列車轡風流  
五馬貴六客聯華星美酒來東林朱果取洞庭奇畫掃寒  
蕩妍辭約浮萍焉知後不繼高堂葺殘局送子河風道賓  
鴻集修翎官奴重秉燭泚筆懷蘓亭

元詩選注六客亭在湖州郡圃中張子野為前六客詞東坡為後六客詞李公擇為郡時有張子野劉孝叔楊元素東坡陳君舉會於碧瀾堂子野作六客詞張子野守郡有東坡曹子方劉景文蘓伯固張秉道會於此東坡繼前作六客詞

孤憤一章和夢菴韻



楊子哭停雲歷教死生友首哭台州師再哭江州守三哭  
 天水頭四哭淮渦五哭六哭餘英風復何有確山截罵  
 吞宛湖沈斫首嗟嗟狗國臣培養百年久猛去晉終背或  
 死魏何咎而况鳴吠才蠢蠢小雞狗弋鴻羽既怯釣魚餌  
 滋誘根撥那望實蒂分尚懷藕珠雀既失彈火鼠重被垢  
 長包中土心相詫模棱手外壺宜倒戈中薄肯敝笥祝宗  
 祈未死循牆駭還走長梯未上書窮辭空還酒驚見夢菴  
 詩一首洒百醜大義揭日月孤忠縣畝亂厭出下泉  
 極還易一缺懷君郭泰交夜拌飢春韭和君孤憤章澆致酒  
 一斗

陶淵明傳雲詩序停雲思親友也宋元通鑑至正十  
 年台州達魯花赤恭不華與方國珍戰於澄江死之  
 耕錄江州路總管李黼字子威汝寧人恭定丁卯狀元  
 至正壬辰二月十一日紅巾寇至城隔被執脅以刃不  
 肯降口罵不絕聲遂殺之又江浙行省參知政事樊執  
 敬字時中鄆人是年秋七月初十日紅巾自徽杭入  
 北關門省吏引去公獨躍馬逆戰以死死猶嚼齒罵不  
 絕聲死之所則天水橋也錢塘志樊執敬字時中獨航  
 其號世為鄆人至正間為江參政徐壽輝自徽犯浙  
 西公以孤兵逆賊於天間水橋戰死其妻與子溺於西  
 杭人立祠祭焉楊鐵厓為文紀之嘗見公詩於霏雪  
 錄中詩云烟波閃閃海門開平地潛生萬壑雷大信不  
 虧人不死浙江亭上看潮來其平生之志可見矣宋元  
 通鑑至正十三年張士誠稱誠王國號大周建元天祐  
 已而有詔赦之使至不得入賊給言請李知府來乃受  
 命淮南行省強李齊往至則下齊於獄齊雖辨說百端  
 而士誠本無降意呼齊使跪齊叱曰吾膝如鐵豈為賊  
 屈士誠怒使曳倒槌碎其膝而高之時論大科三魁若  
 李黼恭不華及齊皆不負所學云又至正十六年淮安  
 城破元江東廉訪使褚不華死之精忠人比之張巡云



輟耕錄西臺監察御史張公謝職居確山縣而陷賊勝  
之受偽官公唾罵之遂縛公妻奴九人每殺一人則諭  
曰御史若降餘可免公弗為動罵如初賊怒拽下坐殺  
之此在至正辛卯秋八月間公諱桓字彥威宋元通鑑  
至正十二年江西行省平章政事星吉擊趙普勝戰於  
湖口兵敗死之晉書王猛傳猛疾篤堅親臨問以後事  
猛曰晉雖僻陋吳越乃正朔相承臣沒之後願勿以晉  
為圖通鑑壬午秦王堅謀大舉入寇平陽公融曰王景  
畧一時英傑獨不記其臨沒之言乎堅不聽後漢書荀  
彥而卒左傳晉范文子使之食發視之乃空器也於時飲  
循牆而走亦莫余敢侮後漢書郭泰字林宗始見河南  
尹李膺膺大奇之遂相友善

紅酒歌

謝同年智同知作

楊子渴如馬文園宰官特賜桃花源  
頭釀春酒滴  
滴真珠紅欲然左官忽落東海邊  
渴心鹽井生炎烟相呼

西子湖上船蓮花博士飲中仙如銀酒色未一作為貴令

人長憶桃花泉膠州判官玉牒賢憶昔同醉瑤林筵別來

南北不通問夜夢玉樹春風前朝來五馬過陋廛贈以同

袍一作我五色彩一作副以五鳳樓頭牋何以澆我磊落

抑塞之感慨樵花美酒斗十千垂虹橋下水拍天虹光散

作真珠涎吳娃鬪色櫻在口不放白雪盈人顛我有文園

滑苦無曲奏死央絃預恐沙頭隻玉盡力醉未與長瓶眠

徑當垂虹去鯨量吸一作此百川我歌君扣舷一斗不惜

詩百篇

漢書司馬相如傳相如常有消渴病又相如拜為孝文  
園令周昌傳吾極知其左遷注云是時尊右而卑左故



謂貶秩位為左遷按先生本傳以天台尹改錢清場鹽  
司令所謂左官忽落東海邊也杜甫鹽井詩鹵中草木  
白青者官鹽烟陸游劍南集九月十四日置官也我且  
一故人相語曰我為蓮華博士蓋鏡湖新置官也我且  
去矣君能暫為之乎月得酒千壺亦不惡也既覺惘然  
作絕句記之白首歸修汗簡書每因囊粟戲侏儒不知  
月給千壺酒得似蓮花博士無杜甫飲中八仙歌皎如  
玉樹臨風前短歌行我能拔爾抑塞磊落之奇才吳地  
記吳長二縣古坊六十虹橋三百有餘幽怪錄明阜謂  
葉法師曰四方元夕何處極鹿曰無踰廣陵俄而虹橋  
起於殿前帝步而上俄頃到廣陵皆仰望仙人見五色  
雲中急就篇注營長頸瓶也蘓軾長瓶分未到小硯乾  
欲裂陸游詩更喜友生能餉酒欣然一醉  
倒長瓶飲中八仙歌飲如長鯨吸百川

用韻復雲松老人華陽巾歌

君不見獬豸不識字高柱削鐵堅白簡孰辨賢不賢又不  
見鷓鴣偏尚武高屋壓虎肩五兵不理長酣眠鐵厓老狂

者強項如董宣小巾製子夏正要江東傳人間緝紫擅已

蛻風中蟬脫巾漉酒東籬邊吳淞老褐來賀我倒冠共醉

春風前我歌此歌君拍手東壺西閣開洞天洞天鶴為

我隻回旋

綱目侯思止素詭譎無賴求為御史太后曰卿不識字  
對曰獬豸何嘗識字但能觸邪耳漢官儀侍御史周官  
也為柱下史冠法冠一名柱後以鐵為柱白簡見卷二  
鐵骨搭漢書佞幸傳孝惠時即侍中皆冠鷓鴣酷吏傳  
董宣為洛陽令湖陽公主蒼頭白日殺人因匿主家吏  
不能得及主出行以奴驂乘宣於夏門亭候之駐車叩  
馬以刀畫地大言數主之失叱奴下車因格殺之主即  
還官訴帝帝大怒召宣欲箠殺之宣曰陛下聖德中興  
而縱奴殺人何以理天下臣不須箠請自殺即以頭擊  
楹流血被面帝令小黃門持之使宣叩頭謝宣不從強  
使頓之宣兩手據地終不肯俯因勅強項令出賜錢三  
十萬漢書杜欽傳欽字子夏少好經書家富而目偏盲



茂陵杜鄴與欽同姓字俱以材能稱京師故衣冠謂欽為育杜子夏以相別欽惡以疾見詆廼為小冠高廣財二寸由是京師更謂欽為小冠杜子夏而鄴為大冠杜子夏云葛巾漉酒見卷五題漉酒圖擅音宣蕪賦詩玉腕半揎雲碧袖

謝呂敬夫紅牙管歌 并序

呂云度廟老宮人所傳物也滄江泰娘蓋敬夫席

上善倚歌以和予天忽雷者故詩中及之

鐵心道人吹鐵笛大雷怒裂龍門石滄江一夜風雨湍水  
族千頭嘯悲激樓頭阿泰聚雙蛾手持紫檀不敢歌呂家  
律呂慘不和換以紅牙尺八之冰柯五絲同心結一作龍  
首曾把昭陽玉人手只今流落已百年不省愁中折楊柳

道人吹春哀北征宮人斜上草青青吳見木石悍不驚泰  
娘苦獨多春情為君清淚滴紅冰

西湖竹枝集呂誠字敬夫吳之東滄人宋史錢俶傳太平興國三年俶貢紅牙樂器二十二事遼史太宗紀七年秋唐遣使遺紅牙笙隋書宣華夫人傳太子遣使者齎金合子台中有同心結數枚斜塚也

輦婆引

吳門玉帳元戎府手擊銅龍踏哮虎錦貂半醉金盤春芍  
藥三千嬌欲語梅卿馬上彈輦婆鷓絃張張金羅紗軟灰  
促節變幹羅楓香古調翻回波四索真珠瀉銅盤三十六  
竿合笙管孤鸞夜語烏孫愁朔風吹寒青草短玉環流落  
梨園空三郎不在華清宮凝碧池頭散花雨天上仙班奉



明主

搜神記琵琶一名擊婆李白餞李藏用移軍廣陵序借  
 鴻濤於奔鯨鱸生人於哮虎杜甫詩君門羽林萬猛士  
 惡知哮虎子所監樂府雜錄賀懷智以鷓鴣難筋作絃楊  
 妃外傳白秀貞得琵琶以獻其槽以羅紗檀為之有金  
 縷紅紋演義云樓羅者幹辦集事之稱本事記唐中宗  
 畏韋后後有優人唱迴波詞曰迴波雨是拷撻怕婦也是  
 大好外邊無過裴談內裏無過李老韋后意色自稱命  
 以東帛賜之漢書武帝元封中以江都王建女偽稱公  
 主妻烏孫王昆莫念其行道使知音者馬馬建女偽稱  
 慰之又王昭君適匈奴在路愁怨遂於馬上彈琵琶以  
 寄其恨青草昭君塚上草也天寶遺事祿山犯京師上  
 欲遷幸乃命進玉環王環者睿宗所御琵琶也三郎明  
 皇也唐書天寶六載改驪山溫泉宮曰華清宮明皇雜  
 錄天寶末祿山陷西京大會凝碧池梨園子弟秋歐泣  
 下樂工雷海青擲樂器西向大慟王維陌賊中  
 潛賦詩云秋槐零落深宮裏凝碧池頭奏管絃

玉蓮曲

為金陵張氏妓賦

芙蓉出五沃蕩漾水中央託根遍七澤濁影照滄浪亭亭

立淤泥靜試嶽井粧使君青雀舫夜夜宿花旁為結明璫

蓋覆此葦寇芳洛妃解瑤珮王母薦瑤觴饑食玲瓏玉渴

飲醍醐漿白日忽成晚粉面落秋霜窈窕不結子柔絲斷

藕腸波寒沉懶傘愁殺野鴛鴦

管子五沃之土生蓮漢書司馬相如傳楚有七澤小者

曰雲夢方九百里禹貢疇冢導漾東流為漢又東為滄

浪之水周茂叔愛蓮說出淤泥而不染韓愈詩太華峯

頭玉井蓮花開十丈藕如船曹植洛神賦解玉佩以要

之拾遺記西王母見穆天子玉帳高會進萬歲冰桃千

年雪藕又進素蓮一房百子凌冬而茂藕名玉玲瓏羣  
 芳譜玲瓏萬竅杜甫詩露冷蓮房墜粉紅窈窕竹律切詩  
 入聲窈窕則駕切音詐窈窕物在穴中貌搜神記無錫上  
 湖波中是初止見一少婦人着青衣戴傘呼之不得自  
 折



雨中留得  
蓋駕鴛

晚蘭詞

晚蘭氏嘗侍余觴咏玉山草堂中轉眼已十歲今年自上海見余元霜所擁髻道舊淒然自傷遲暮意且持觴請曰使君小杜才也可無秋娘氏一語乎余為引酒悲歌為更長樂府令元霜公子書以遺之

青銅小窻文玉几月轉穠穠夜如水蓬萊華國稱國香夜  
夢香雲三萬里居然霓裳見空谷白雪新消洗池玉秋容  
不染守宮紅起向紅波照雙綠道人住近西施浦修禊亭

前憶蘭渚空江為我泣珮珠夢入湘枝作斑雨舞趙舞歌  
吳歌蘭兮蘭兮奈爾何元霜高臺秋露早綠毛華使三山  
老

穠穠毛席也杜陽編新羅進五色穠穠以藉地韓昌黎  
睽句兩廂鋪穠穠五鼎調芍藥東坡詩披香殿上紅穠  
穠香譜赤土國在海南出異香每燒一丸香聞數里故  
號一國香按左傳蘭有國香蓋兼取晚蘭之義也洞冥  
記帝嘗夕坐有神女至散明天發日香香出晉池寒國  
地有發日樹雲從樹出雲來掩日風吹樹枝拂雲開日  
光也名開日樹樹有汁滴如松脂詩空谷足音博物志  
舜南巡不反葬於蒼梧娥皇女英追之不及至洞庭山  
淚下染竹即斑  
死為湘水神

蹋鞠歌

贈劉叔芳

蹋鞠復蹋鞠佳人當好春金刀剪夫容綉作滿月輪落花



游絲白日長  
年年它宅媚  
流光綺襦珠  
絡錦繡襠  
草烟漫地  
綠色涼  
揭門縛絲  
觀如堵  
恰呼三三  
喚五五  
低過不墜  
蹴忽高  
蛺蝶窺飛燕  
回舞步  
矯且捷  
如凌波  
輕塵不上紅  
錦靴揚眉吐  
笑頰微渦  
江南年少  
黃家多  
劉娘劉娘  
奈爾何  
只憶當年  
舊城住  
門前一株  
海棠樹

射義孔子射於矍相之圃蓋觀者如堵牆洛神賦凌波微步羅襪生塵

樓  
淑荀似校



